

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Ekonomia Sustatzeko Saila**

Bizkaiko Foru Aldundiaren 48/2022 FORU DEKRETUA, apirilaren 12koa. Honen bidez, Teknologia Transferentzia dirulaguntza-programaren oinarri arau-tzaileak eta deialdia onesten dira, 2022 urterako.

I

Bizkaiko Foru Aldundiko Ekonomia Sustatzeko Sailaren xedea Bizkaian aberastasuna eta kalitateko enplegua sortzen laguntzea da, Bizkaiko enpresa arloan lehiakortasun iraunkorra eta nazioartekotzea sustatuz eta, aldi berean, gure lurraldearen garapen orekatua erraztuz. Ildo horretan, estrategia integral bat jarri da abian, bost ardatz estrategikotan oinarritua: ekintzailatza eta azelerazioa; berrikuntza eta lehiakortasuna; erakartzea eta interkonexioa; lurralde-oreka, eta talentua eta ezagutza; hori guztia, balio erantsiko zerbitzuak modu eraginkorrean emateko konpromisotik abiatuta.

Misio horren esparruan, onartu nahi den foru-dekretuaren xedea Teknologia Transferentzia dirulaguntza-programa arautzea da, eta horren helburua da ezagutza aplikagarria sortzeko eta Bizkaiko ikerketa-zentroetatik enpresetara transferitzeko erronkan laguntzea; erronka hori bat baitator Bizkaia lurralde berritzaile eta lehiakorra bihurtzeko xedearekin.

Ekonomia Sustatzeko Sailaren 2020-2023 aldiko Dirulaguntzen Plan Estrategikoak dirulaguntzen lerro bat aurreikusten du Bizkaiko enpresei teknologia transferitzeko proiektuak bultzatzeko, eta Bizkaiko Lurralde Historikoaren Aurrekontu Orokorretan urtero esleitzen dira horiek gauzatzeko behar diren kredituak. Horretarako, beharrezkoa da dirulaguntzoi buruzko araudia ezartzea.

Eustaten azken datuen arabera, 2020. urtean Euskadin ikerketa eta garapenean (I+G) egindako gastua Euskadiren barne-produktu gordinaren %1,95 izan zen. Bizkaian, tasa txikixeagoa izan zen, %1,71. Datuon arabera, Euskadi eta Bizkaia oraindik ez dira heltzen 27 herrialdeen Europaren batez bestekora, zeina %2,23 2019an baita, eta nahiko urrun daude herrialde aurreratuenetatik. Baina, estatu mailan, Euskadi oraindik ere I+G-n gehien inbertitzen duen autonomia-erkidegoa. Bizkaia ere lurralde liderren artean dago, estatuaren barruan.

Bizkaia ikerketa aplikatuko ahalegin honetan duen indarguneetako bat ezagutza-zentroen ekosistema zabal baten presentzia da; hari esker, gure lurraldea ikerketarako espazio dinamikoa eta erakargarria da, eta emaitza onak ematen ari da, bai ezagutzaren sorkuntzan, bai ezagutza enpresa-sarera transferitzean. Zentro horietako asko Zientzia, Teknologia eta Berrikuntzaren Euskal Sarean daude, bakoitza dagokion kategorian.

Hala ere, ezin dugu ahaztu ezen ezagutza produktu eta zerbitzu bihurtzeko —herritarren esku jarriko direnak— beharrezkoa dela garatutako teknologia enpresetaraino transferitzea, edo produktu eta zerbitzuok sortu eta pertsonen esku jar ditzaketen bestelako erakundeetaraino. Eta hori da Eusko Jaurilaritzak bultzatutako Zientzia, Teknologia eta Berrikuntzarako Euskadiko 2030 Planak (ZTBP) jasotzen dituen erronketako bat; plan horrek, zehazki, datozen urteetarako I+G+B-a sustatzeko ildo nagusiak ezarri ditu.

ZTBP 2030 planak trantsizio hirukoitza bereganatzen du —teknologiko-digitala, energetiko-klimatikoa eta sozial-sanitarioa—, joera globalen ondorioz eta joera horiek Euskadin duten eraginaren ondorioz sortua. Planak, oro bat, helburu du trantsizio horiekin lotutako bost erronka sozialak —Nazio Batuen garapen iraunkorraren helburuetan jasotako— Euskadin ebazten laguntzea. Ildo horretan, ZTBP 2030 planaren lehen bi zutabe estrategikoak bikaintasun zientifikoa eta buruzagitza teknologiko industrialara dira. Bigarren zutabe horren barruan, hau adierazten da: garrantzi handikoa izango da I. zuta-



bean sortutako bikaintasuneko ezagutzaren benetako integrazioa eta transferentzia, bai Euskadiko enpresek balio-kate globaletan posizionamendu estrategiko ona izan dezaten laguntzeko, bai aipatutako erronka globalei aurre egin ahal izateko.

ZTBPK ezartzen duenez, erabakigarria da, beraz, ZTBESen dauden Bizkaiko zentro zientifiko eta teknologikoen jardura sendotzea eta zentro horien eta enpresen arteko kontaktua eta lankidetzak bultzatzea, indartzeko ekoizpen-sarearen erronka eta beharri-zanetan oinarritutako ezagutza berri baten garapena ahalbidetzen duten mekanismoak (market pull) eta aurkikuntza zientifiko edo teknologikoetatik abiatuta sortutako merkatugune berrien garapena ahalbidetzen duten mekanismoak (technology push), ezagutzaren sorkuntzako eta transferentziako dinamikak sistematizatuz.

Dekretu honetan araututako transferentzia teknologikorako laguntzen programaren bidez, zentro zientifiko eta teknologikoei lagundu nahi da, enpresei enpresa-arloko erronkei aurre egin eta nazioartean duten posizionamendua hobetzeko aukera emango dien transferentzia teknologikoa bizkortzeko.

Horretarako, dirulaguntzen programa ireki bat diseinatu da, ikerketa aplikatura eta garapen teknologikora bideratua, goi-mailako I+G-ko proiektuei lagundu nahi diena, bereziki, ezagutza Bizkaiko ekoizpen-sarera benetan transferitzera bideratuta daudenei.

II

Bizkaiko Foru Aldundiari dagokio xedapen honen xede den gaiaren gaineko eskumena, hala ondorioztatzen baita Bizkaiko Lurralde Historikoko Foru Erakundearen Hautaketa, Antolaketa, Araubide eta Funtzionamenduari buruzko otsailaren 13ko 3/1987 Foru Arauaren 17.2 artikulua eta Toki Araubidearen Oinarriak arautzen dituen apirilaren 2ko 7/1985 Legearen 36 d) artikulua modu koordinatuan irakurrita. Lege horretan ezartzen denez, foru-aldundien berezko eskumena da garapen ekonomiko eta soziala sustatzeko lankidetzak ematea, arlo horretan gainerako administrazio publikoek dituzten eskumenekin bat etorritik.

Ekonomia Sustatzeko Foru Sailaren Egitura Organikoari buruzko Erregelamendua onesten duen Bizkaiko Foru Aldundiaren abenduaren 17ko 207/2019 Foru Dekretuak Ekonomia Sustatzeko Foru Sailari esleitzen dio ondoren aipatzen den arloko jarduna: enpresen lehiakortasuna hobetzea, bereziki enpresa txikiena, berrikuntza ardatz nagusizat hartuta; industria sustatzea —batez ere, Bizkaiko lehentasunezko industria-sektoreak—; jakintzaren arloko zerbitzu aurreratuak indartzea; enpresa txiki eta ertainak nazioartekotzeko prozesua sustatzea; jardura esportatzailea laguntzea, eta enpresen arteko lankidetzak sustatzea].

III

Foru-dekretu honek betetzen ditu erregulazio onaren printzipioak, zeinak aurreikusten baitira Administrazio Publikoen Administrazio Prozedura Erkidearen urriaren 1eko 39/2015 Legearen 129. artikuluan eta Bizkaiko Foru Aldundiaren ekainaren 15eko 87/2021 Foru Dekretuaren 3. artikuluan (dekretu horren bidez, Bizkaiko Foru Aldundian xedapen orokorrak egiteko prozedura arautzen da; manuok bete egin dira xedapena egin eta izapidetzeko orduan, eta txosten hauek eman dira:

1. Genero-inpaktuaren aurretiazko ebaluazioa
2. Ekonomia Sustatzeko Sailaren txosten juridikoa.
3. Generoaren eraginaren aurretiazko ebaluazioari buruzko txostena.
4. Memoria ekonomiko-administratiboa eta erregulazio onaren printzipioei buruzkoa.
5. Kontrol ekonomikoari buruzko txostena.
6. Legezketasunari buruzko txostena.

Era berean, genero-ikusegia jaso da foru-dekretu hau prestatzeko orduan, kontuan hartuta zer xedatzen den arau hauetan: Emakumeen eta Gizonen berdintasunerako eta Emakumeen aurkako Indarkeria Matxistarik Gabeko Bizitzetarako otsailaren 18ko



4/2005 Legea, Emakumeen eta Gizonen berdintasunerako ekainaren 20ko 4/2018 Foru Araua eta Bizkaiko Foru Aldundiaren azaroaren 19ko 141/2013 Foru Dekretua, zeinaren bidez generoaren eraginaren aurretiazko ebaluazioa egiteko jarraibideak ezartzen baitira (ebaluazio hori 4/2005 Legean dago aurrez ikusita). Ildo horretan, lehen adierazi den bezala, foru-dekretu honen izapidetzeari generoaren arabera eraginaren aurretiazko ebaluazioari buruzko txostena sartu da.

Era berean, kontuan hartu da zer ezarrita dagoen hala maiatzaren 28ko 63/2019 Foru Dekretuan (haren bidez, Bizkaiko Foru Aldundiaren, haren erakunde autonomoen eta foru-sektore publikoaren jardun-eremuan hizkuntza ofizialak erabiltzeko irizpideak ezartzen dira), nola Bizkaiko Foru Aldundiaren dirulaguntzetarako prozeduretan klausula sozialak, ingurumenekoak eta beste politika publiko batzuei buruzkoak sartzeko gidan (Bizkaiko Foru Aldundiaren otsailaren 27ko 16/2018 Foru Dekretuaren bidez onetsi zen).

IV

Oinarri hauetan arautzen diren dirulaguntzak salbuetsirik daude aurretik Europako Batzordeari jakinarazi behar izatetik, hurrengo erregelamendua dela bide: 2014ko ekainaren 17ko 651/2014 (EB) Erregelamendua, Batzordearena, zeinaren bidez deklaritzen baitira, Tratatuaren 107. eta 108. artikulua aplikatuta, barne-merkatuarekin bateragarriak diren laguntzen kategoria jakin batzuk; eta Batzordearen 2020ko uztailaren 2ko 2020/972 (EB) Erregelamendua, zeinaren bidez aldatzen baitira 1407/2013 (EB) Erregelamendua, haren luzapenari dagokionez.

Dekretu honetan araututako laguntzen %40 Eskualde Garapeneko Europako Funtsarekin batera finantzatu ahalko dira, 2021-2027 aldirako onartzen den Euskadiko EGEF Programa Operatiboaren barruan, 1. helburu politikoa —Europa lehiakorragoa eta adimentsuagoa, eraldaketa ekonomiko berritzaile eta adimenduna eta IKT konektibitate erregionala sustatuz—, 1.3 helburu estrategikoa —ETEn hazkunde iraunkorra eta lehiakortasuna indartzea eta horietan enplegua sortzea, baita inbertsio produktiboen bidez ere.

V

Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 16.1. artikulua ahalmena ematen dio Bizkaiko Foru Aldundiari diru-laguntzen emakida arautuko duten oinarriak onesteko foru-dekretu bidez, aurretik zerbitzu juridikoak txostena emanda; eta Diru-laguntzen Erregelamendua onetsi zuen Bizkaiko Foru Aldundiaren 2010eko martxoaren 23ko 34/2010 Foru Dekretuaren 41.1 artikulua aukera ematen du oinarri arautzaileak eta deialdia batera izapidetzeko, eta ezartzen du Bizkaiko Foru Aldundiaren Gobernu Kontseiluak duela haiek onesteko ahalmena.

Halaber, Bizkaiko Lurralde Historikoko Foru Erakundeen Hautapen, Antolaketa, Araubide eta Funtzionamenduari buruzko otsailaren 13ko 3/1987 Foru Arauaren 39.k) artikulua ezartzen du foru-diputatuen eskumena dela, besteak beste, Foru Aldundiari proposamenak aurkeztea haien sailtako gaiei buruzko foru-dekretuen proiektuak onetsi bitartean. Horrela, bada, kasu honetan Ekonomia Sustatzeko foru diputatuari dagokio foru-dekretuaren proiektu hau proposatzea.

Hori dela bide, Ekonomia Sustatzeko foru diputatuak proposatuta, eta Bizkaiko Foru Aldundiak 2022ko apirilaren 12ko bileran aztertu ondoren, honako hau

XEDATZEN DUT:

Artikulu Bakarra. — Oinarri arautzaileak eta deialdia onartzea

2022 urterako Teknologia Transferentzia dirulaguntza programako oinarri arautzaileak eta deialdia onartzen dira, eta honen ondoren doa haren testua.

**XEDAPEN GEHIGARRIA****Xedapen Gehigarri Bakarra.— Izaera pertsonaleko datuen babesari**

Interesdunak ematen dituen datuak foru-dekretu honetatik eratoritzen diren prozedurak kudeatzeko erabiliko dira, kontuan harturik zer ezartzen den honako xedapen hauetan: 2016/679 Erregelamendua (EB), Europako Parlamentuaren eta Kontseiluaren 2016ko apirilaren 27koa, datu pertsonalen tratamenduari eta datu horien zirkulazio askeari dagokionez pertsona fisikoak babesteari buruzkoa; 95/46/ EE Zuzentaraua (datuen babesari buruzko Erregelamendu orokorra) baliogabetzen duena; eta 3/2018 Lege Organikoa, abenduaren 5koa, Datu Pertsonalen Babesari eta eskubide digitalen bermeari buruzkoa.

Datu horiek inola ere ez dira erabiliko, eta ez zaizkie hirugarren batzuei lagako, interesdunak argi eta garbi ados dagoela adierazi ezean edo goian aipaturiko araudian ezartzen diren kasuetan izan ezik.

Edozein bide erabiliz eskaerak egin, eta interesdunek administrazio publikoen eskuetan dauden datu pertsonalak ematen badituzte, eskaeraren hartzailea den organoak beharrezko egiaztatze-lanak egiteko aukera izango du, dituen eskumenen barruan, datuak benetakoak direla egiaztatzeko.

Araudi horretan xedatzen dena betetzeko, interesdunak honako eskubide hauek baliatu ahal izango ditu datuen tratamenduaren arduradunaren aurrean: datuetan sartzeko, datuak zuzentzeko, ezerezteko («ahaztua izateko eskubidea»), haien tratamendua mugatzeko eta datuok eramangarri izateko eskubideak, bai eta tratamendu automatizatuan soilik oinarrituriko erabakien xede ez izatekoa (barne harturik profilen sorrera) ere, baldin eta erabakiak eragin juridikoak badakarzkio edo, modu bertsuan, beragan eragin nabarmenik badu. Era berean, edozein momentutan errebokatu ahal izango du emandako baimena. Horrez gain, eskubidea du erreklamazioa jartzeko Datuen Babesaren Kontrol Agintaritzan. Gai honi buruzko informazio guztia Bizkaiko Foru Aldundiaren webgunean dago eskuragarri, datuen babesari buruzko atalean (<https://web.bizkaia.eus/eu/datuen-babesa>).

XEDAPEN IRAGANKORRA**Lehen Xedapen Iragankorra.— Aurreko urteko Teknologia Transferentzia programa aplikatzea**

2021eko Teknologia Transferentzia dirulaguntza programa arautzen duten oinarriak eta deialdia onetsi zituen Bizkaiko Foru Aldundiaren abuztuaren 24ko 122/2021 Foru Dekretuaren babesean aurkeztutako eskaeren ondoriozko itzultze-prozedurak, zehapen-prozedurak, errekursoak, berrikuspenak eta bestelako gorabeherak foru-dekretu horretan ezarritakoaren arabera ebatziko dira.

Bigarren Xedapen Iragankorra.— Jakinarazpen elektronikoa

Ezarritako jakinarazpen elektronikoari buruzko betebeharrari dagokionez, jakinarazpena bitarteko elektronikoz egin behar denean prozedura ez badago teknikoki amaituta, jakinarazpena paperean egingo da, posta ziurtatuaren bidez.

XEDAPEN INDARGABETZAILEA**Xedapen Indargabetzaile Bakarra.— Aurreko urteko Teknologia Transferentzia dirulaguntza programa indargabetzea**

Foru-dekretu hau indarrean jartzen denean, indargabeturik geratuko da abuztuaren 24ko 122/2021 Foru Dekretua; hala ere, aplikatu daiteke beraren indarraldiaren barruan sortutako egoeretan, lehenengo xedapen iragankorrean aurreikusitakoarekin bat.

**AZKEN XEDAPENA****Azken Xedapenetako Lehena. — Ahalmenak eskuordetzea**

1. Ahalmena ematen zaio Ekonomia Sustatzeko foru diputatuari, foru-dekretu honetan xedatzen dena garatu, betearazi eta aplikatzeko beharrezko xedapen guztiak eman ditzan, baita dirulaguntzen emakida ere.
2. Halaber, Ekonomia Sustatzeko foru diputatuari ahalmena ematen zaio, urriaren 1eko 39/2015 Legearen 32.4 artikuluan jasotako kasua gertatzen bada foru-agindu bidez eskabideak aurkezteko epea luzatu edo ixteko.
3. Era berean, Ekonomia Sustatzeko foru diputatuari ahalmena ematen zaio beste dirulaguntza-deialdi batzuk egiteko, aurrekontuko diru-hornidura amaitu ezean.

Azken Xedapenetako Bigarrena. — Indarrean jartzea

Foru-dekretu hau Bizkaiko Aldizkari Ofizialean argitaratu eta hurrengo egunean jarriko da indarrean.

Bilbon, 2022ko apirilaren 12an.

Ekonomia Sustatzeko foru diputatua,
AINARA BASURKO URKIRI

Ahaldun Nagusia,
UNAI REMENTERIA MAIZ



**TEKNOLOGIA TRANSFERENTZIA DIRULAGUNTZA-PROGRAMA
ARAUTZEN DUTEN OINARRIAK ETA DEIALDIA 2022 URTERAKO
AURKIBIDEA**

I. titulua. — *Xedapen orokorrak*

1. oinarria. — Dirulaguntzaren xedea.
2. oinarria. — Definizioak.
3. oinarria. — Dirulaguntzaren onuradunak.
4. oinarria. — Diruz lagundu daitekeen egitatea.
5. oinarria. — Dirulaguntza jaso dezaketen gastuak.
6. oinarria. — Dirulaguntzen zenbateko indibidualizatua.
7. oinarria. — Aurrekontuko zuzkidura.

II. titulua. — *Araubide juridikoa*

8. oinarria. — Araubide juridikoa.
9. oinarria. — Organo eskudunak eta erakunde laguntzailea.
10. oinarria. — Arau-haustea eta zehapenak.
11. oinarria. — Ez-betetzea eta dirulaguntza itzultzea.
12. oinarria. — Dirulaguntza erakunde onuradunaren ekimenez itzultzea.

III. titulua. — *Dirulaguntzak emateko prozedura*

13. oinarria. — Dirulaguntza eskabideak aurkezteko lekua, era eta epea, eta ondorengo izapideak.
14. oinarria. — Eskabidea egiteko behar den dokumentazioa.
15. oinarria. — Eskabidea zuzentzea edo hobetzea.
16. oinarria. — Dirulaguntza emateko prozedura.
17. oinarria. — Eskabideak baloratzeko irizpideak.
18. oinarria. — Ebazpena.
19. oinarria. — Errekursoak.
20. oinarria. — Dirulaguntzari uko egitea.
21. oinarria. — Dirulaguntza emateko ebazpena aldatzea.
22. oinarria. — Emandako dirulaguntzen publizitatea.
23. oinarria. — Onuradunak eman zaion dirulaguntzaren publizitatea egitea.
24. oinarria. — Jakinarazpen elektronikoa.

IV. titulua. — *Gauzatzea, justifikatzea eta kontrola*

25. oinarria. — Gauzatzeko epea.
26. oinarria. — Justifikazio-epea.
27. oinarria. — Azpikontratazioaren baldintzak.
28. oinarria. — Dirulaguntzak justifikatzea.
29. oinarria. — Dirulaguntza ordaintzea.
30. oinarria. — Laguntzak metatzea.
31. oinarria. — Laguntzen bateragarritasuna.
32. oinarria. — Pertsona onuradunen beste betebeharrak.

**I. TITULUA****XEDAPEN OROKORRAK****1. oinarria. — Dirulaguntzaren helburua**

Dirulaguntza-programa honen helburua teknologiaren heldutasuna erraztea da, Ikerketa eta Garapeneko proiektuen bidez, Bizkaiko enpresa-ehunetik teknologia hori praktikan aplikatu ahal izateko.

2. oinarria. — Definizioak

Oinarri eta deialdi hauen ondorioetarako, definizio hauek biltzen dira. Hemen islatu edo jaso ez den guztian Itunaren 107 eta 108. artikulua (DO, L 187, de 26-06-2014) aplikatuta barruko merkatuarekin bateragarriak diren laguntza-maila batzuk adierazten dituen 2014ko ekainaren 17ko 651/2014/EE Araudian jasotako definizioak izango dira aginduzkoak (aurrerantzean, 651/2014 (EE) Araudi Orokorra):

1. «Oinarrizko ikerketa»: fenomeno eta gertakari behagarrien azpian dauden oinarriei buruzko ezagutza berriak eskuratzeko helburu nagusiarekin hasitako lan esperimental edo teorikoak, zuzeneko aplikazio edo erabilera komertzialik gabe.
2. «Ikerketa industrial»: produktu, prozesu edo zerbitzu berriak garatzeko edo lehendik daudenak nabarmen hobetzeko baliagarriak izan daitezkeen ezagutza eta gaitasun berriak eskuratzeko bideratutako ikerketa planifikatua edo azterlan kritikoak; terminoaren barruan, sistema konplexuen osagaien sorkuntza sartzen da; oro bat sar daiteke prototipoak laborategi-ingurune batean eraikitzea, edo dauden sistemekin simulatutako interfaseak dituen ingurune batean; eta lerro pilotuak ere bai, ikerketa industrialerako beharrezkoa bada, bereziki, teknologia generikoa baliozkotzeko.
3. «Garapen esperimental»: zientziaren, teknologiaren, enpresaren eta abarren esparruetako jakintzak eta teknikak (aurretik existitzen zirenak) eskuratzeko, konbinatzea, itxuratzea eta erabiltzea, produktu, prozesu edota zerbitzu berrien, aldatuen edo hobetuen plan eta egitura edota diseinuak egiteko xedearekin. Barnean hartu ahal izango ditu, esate baterako, produktu, prozesu eta zerbitzuen kontzeptuen definiziorako, plangintzarako eta dokumentaziorako beste hainbat jardura.

Laguntza programa honen arabera, garapen esperimentalak prototipo eta proiektu pilotuak garatzea ere barne har dezake, produktu, prozesu edo zerbitzu berrien edo hobetuen saiakuntza eta balioztatzea, funtzionamenduaren baldintza errealak diren ingurune adierazgarrietan, baldin eta helburu nagusia hobekuntza tekniko berriak ekartzea bada guztiz sendotua ez dauden produktu, prozesu edo zerbitzu horiei; prototipo eta edo proiektu pilotuen garapena ere diruz lagundu daitezke, ezinbestean, azken merkataritza-produktua denean eta bere fabrikazioa soilik erakusketa- eta balioztatze-helburuetarako garestiegia denean.

Garapen esperimentalak ez ditu barne hartzen produktuetan, produkzio-lerroetan, fabrikazio-prozesuetan, existitzen diren zerbitzuetan eta martxan dauden bestelako jardueretan egindako ohiko edo aldizkako aldaketak, horrelako aldaketek hobekuntzak eragin baditzakete ere.

4. «Bideragarritasun-azterlana»: proiektu baten indarra ebaluatu eta aztertzea, erabakiak hartzeko prozesua objektiboki eta zentzuz laguntzeko, haren puntu ahulak eta indartsuak eta aukerak eta erasoak aurkituz, eta hura burutzeko beharrezko baliabideak eta, azken batean, haren arrakasta-aukerak zehazteko, hain zuzen ere.
5. «Heldutasun teknologikoaren maila»: teknologia baten garapen-gradua oinarrizko printzipioetatik ingurune errealean praktikoki erakutsi arte definitzeko eskala. Dekretu honen ondorioetarako, 9 mailako eskala ezarri da (1. TRL – 9. TRL), zeina Europar Batasunak jasotzen baitu Horizontea 2020 - Lan Programa 2014-2015 programaren G eranskinean.



6. «Lankidetzaren eraginkortasuna»: gutxienez bi alde independenteren arteko lankidetzaren, ezagutzaren edo teknologia trukatzearen, edo helburu komun baten lortzeko, lan-banaketa oinarrituta; horretan, inplikaturako alderdiek elkarrekin definitzen duten proiektuaren eremua lankidetzaren, proiektuaren aplikazioaren laguntzen dute eta haren arriskuak eta emaitzak partekatzen dituzte; alderdietako batek edo batzuek proiektuaren kostu guztiak jasango dituzkete, eta, horrela, beste zati batzuk beren finantza-arriskuetatik askatu; kontratupeko ikerketa eta zerbitzu-prestazioa ez dira aintzat hartzen.

Lankidetzaren eraginkortasun hartuko da Teknologia Transferentzia programaren erakunde onuradun batek lankidetzaren akordio bat ezartzen badu Bizkaian helbide soziala eta fiskala duten bi enpresarekin edo gehiagorekin, eta enpresa horiek programari aurkeztutako proiektuaren zeregin osagarriak egiten badituzte eta horien kostuak jasaten badituzte, proiektuaren teknologiaren kontzeptuaren garapenak edo probak egiteko. Horrek ez die enpresei ematen garatutako teknologia eskusiboki ustiatzeko eskubiderik, nahiz eta lehentasunezko baldintzetan eskura lezaketen.

7. «Lankidetzaren akordioa»: erakundeetan nahikoa ordezkaritza-ahalordea duten pertsonen sinatutako dokumentu formal bat da; dokumentuan, lankidetzaren sortutako berrikuntza-proiektua egitearen ondoriozko erantzukizunen eta jardueren banaketa eta kostu zein sarreraren banaketaren aurreikuspena ezartzen dira.
8. «Especializazio adimenduna»: Europako Batzordeak Europar Batasuneko eskualdeei jarritako erronka, beren I+D+G baliabideak arlo zehatzetan bil ditzaten, RIS3 siglekin bat. Horri dagokionez, Zientzia, Teknologia eta Berrikuntzako 2030 Planak lehentasunezko hiru sektore ezartzen ditu Euskadin: Industria adimenduna, energia garbiagoak eta osasun pertsonalizatua; eta lau aukera-eremu: Elikadura osasungarria, ekoberrikuntza, hiri jasangarriak eta Euskadi sortzailea.
9. «Lan-zentroa»: antolamendu espezifikoaren duen ekoizpen-unitatea, hala alta emanda dagoena lan-agintaritzaren aurrean, lantoki bat osatzen duena Langileen Estatutuaren Legearen testu bategina onartzen duen urriaren 23ko 2/2015 Legegintzako Errege Dekretuaren 1.5 artikulua arabera.

3. oinarria. — *Dirulaguntzaren onuradunak*

1. Zientzia, Teknologia eta Berrikuntzaren Euskal Sareko kide den eragile zientifiko-teknologikoak izan daitezke dirulaguntzen onuradunak. Horretarako egiaztatuta egon behar dute, Zientzia, Teknologia eta Berrikuntzaren Euskal Sarearen osaera arautzeari eta eguneratzeari buruzko ekainaren 23ko 109/2015 Dekretuan eta haren xedapen iragankorretan edo hura ordezkatzeko duen araudian ezarritakoarekin bat. Katetoria haue-tako baten barruan egon behar dute.

- Oinarritzko eta bikaintasuneko ikerketa-zentroak.
 - Zentro teknologiko multifokalizatuak.
 - Zentro teknologiko sektorialak.
 - Ikerketa kooperatiboko zentroak.
2. Aurreko atalean adierazitako erakundeek baldintza hauek bete beharko dituzte dirulaguntzaren onuradun izateko:
- Gutxienez lan-zentro bat Bizkaiko Lurralde Historikoan izatea.
 - Berezko nortasun juridikoa izatea.
 - Zerga betebeharrak, Gizarte Segurantzarekikoak eta dirulaguntzak itzultzearen ondoriozkoak eguneratuta edukitzea.
 - Emakumeen eta Gizonen berdintasunerako ekainaren 20ko 4/2018 Foru Araua-ren (aurrerantzean 4/2018 Foru Araua) 42. artikulua ezarritako ezein egoeratan sartuta ez egotea.



- e) Ez egotea Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Arauaren (aurrerantzean 5/2005 Foru Araua) 12. artikuluan jasotako debeku-egoeretak batean ere).

Baldintza guztiak bete behar dira eskabideak aurkezteko epea amaitzen denean, emakidak eta ordainketak egiten diren unera arte mantendu.

- 3. Ezingo dute deialdi honetan parte hartu, ezta onuradun izan ere, honako hauek:

- a) Sozietate publikoak eta zuzenbide publikoko erakundeak.

- b) Ondasun-erkidegoak.

- c) Sozietate zibilak.

- d) Prestakuntza zentroak.

- e) Europako Batzordeak aurretiaz erabaki badu laguntza bat legez kanpoko eta barne-merkatuarekin bateraezina dela, laguntza hori berreskuratzeko agindu baten menpe dauden pertsonak edo erakundeak.

4. Foru dekretu honen aplikazio-eremutik kanpo geratzen dira krisian dauden enpresak, krisian dauden enpresa ez-finantzarioen salbamendu eta berregituraketako estatuko laguntzei buruzko Gidalerroetan (DO C 249 31-07-2014) haiei buruz jasotako definizioaren arabera.

4. oinarria. — Diruz lagundu daitekeen egitate

1. Diruz lagun daitekeen egitatetzat joko dira kategoria hauetako batean jarduketak burutzen dituzten ikerketa- eta garapen-proiektuak: oinarritzko ikerketa, ikerketa industrial, garapen esperimental eta bideragarritasun-azterlanak.

2. Lehenetsuna emango zaie heldutasun teknologikoaren goi-mailetan (TRL) garatu eta enpresentzako teknologia-transferentziako jarduerak (merkataritza-ustiapenerako) jasotzen dituzten proiektuei. Lehenetsuna emango zaie, oro bat, RIS3 espezializazio adimentsuaren estrategian adierazitako eremuetan garatzen diren proiektuei; estrategia hori Zientzia, Teknologia eta Berrikuntzarako Euskadiko 2030 Planean ezarrita dago.

3. Helbide soziala eta fiskala Bizkaian duten bi enpresarekin edo gehiagorekin lan-kidetza eraginkorra gertatzen den proiektuak bultzatuko dira bereziki.

4. Dirulaguntza jasoko duten proiektuak eskabidea egin duen enpresan aplikatu eta ezartzeko modukoa izango da, enpresa bera izango da onuraduna eta bere jarduerarekiko koherentzia mantenduko da, eta soilik hartuko dira diruz laguntzeko modukotzat Bizkaiko Lurralde Historikoko ekoizpen zentroetan zuzenean aplikatzeko diren jardueren gastuak.

5. Ez dira diruz lagun daitekeen egitatearen barruan hartuko aurkeztutako proiektuaren zati nuklearrari guztiz uztartuta ez dauden edo harekin lotura gutxi edo loturarik ez duten jarduketak.

6. Nolanahi ere, proiektuak sexu arrazoiengatik ez dira baztertzailak izango, eta ahal dela, sexuaren araberako rolak eta estereotipoak ezabatu beharko dituzte.

- 7. Honako proiektu hauek ez dira diruz lagunduko:

- a) Erakundearentzat berrikuntzarik ekartzen ez duten proiektuak.

- b) Kontratu bidezko ikerketa eta ikerketa-zerbitzuak ematea.

- c) Ekoizpen esperimental, aurre-serieen fabrikazioa eta ekoizpenaren industrializazioa.

- d) Kalitate-kontrolerako edo homologaziorako ohiko entseguak.

- e) Bizkaiko Lurralde Historikoko zentroetan aplikatu ezin diren proiektuak.

- f) Definizioan (argitasuna, plangintza, egikaritzeko metodologia...) edo proiektuari esleitutako baliabideetan (baliabide teknikoak, giza taldea, zuzkidura ekonomikoa...) gabezia argiak dauzkaten proiektuak.

- g) Bizkaiko Foru Aldundiaren Ekonomia Sustatzeko Sailaren bestelako programa edo jarduketa arloen barruan sar daitezkeen jarduerak.



- h) Ekonomia Sustatzeko Sailaren helburuekin bat ez datozen edota Ekonomia Sustatzeko Sailaren eskuduntzen eremuan sartzen ez diren jarduerak.

5. oinarria. — Dirulaguntza jaso dezaketen gastuak

1. Diruz lagun daitezkeen gastutzat joko dira proiektu edo jardueraren izaerari eta garapen normalari erantzuten dioten eta epearen barruan egin diren beharrezko gastuak, betiere indarreko arautegiaren arabera behar bezala justifikatu badira:

2. Honakoak izango dira diruz lagun daitezkeen gastuak, adierazitako kategorietan:
 - a) Aurkeztutako proiektuak iraun bitartean, proiektua burutzeko lanari dagozkion eskatzailearen barneko langileria-gastuak (ikertzaileak, teknikariak eta laguntza-langileak).
 - b) Tresnen eta materialaren kostuak, proiekturako erabiltzen diren neurrian eta epean; tresnak eta materiala haien balio-bizitza osoan zehar erabiltzen ez badira proiekturako, proiektuaren iraupenari dagozkion amortizazio-kostuek baino ez dute jasoko dirulaguntza, kostuok oro har onartuta dauden kontabilitate-printzipioen arabera kalkulatuko dira.
 - c) Kontratu-ikerketen kostuak, eta lehia beteko baldintzetan kanpoko iturrien lizentzia bidez eskuratu edo lortutako ezagutza eta patenteenak, eta proiektura modu eksklusiboan bideratutako aholkularitza-gastuak eta zerbitzu baliokideenak;
 - d) Gastu orokorrak eta bestelako ustiapen-gastu gehigarriak, materialarenak, hornigaienak eta antzeko produktuenak barne, baldin eta proiektuarekin zuzeneko lotura badute.

3. Aurreko apartatuetan aipatutako gastuak —dirulaguntza jaso dezaketenak— 651/2014 (EB) Erregelamenduaren 2. eta 25. artikuluetan ezarritakoaren arabera interpretatuko dira.

4. Barneko langileria-gastuen barruan sartuko dira soldata gordina eta gizarte kargak (Gizarte Segurantzak) erakunde eskatzaileari eragiten dizkieten zuzeneko gastuak, bai eta zeharkako gastuak ere.

5. Langileen zuzeneko kostua kalkulatzeko, pertsona bakoitzaren ordu-kostua aplikatuko zaio proiektuari eskainitako ordu-kopuruari. Pertsona bakoitzeko orduko kostua kalkulatzeko horrela egingo da:

$$\frac{\text{G.S.K.O.} \times 12 \times 1,25}{\text{Urteko ordu kopurua}}$$

Urteko ordu kopurua

Non:

- i) G.S.K.O. gertaera arruntak direla-eta langileak Gizarte Segurantzari egin beharreko hileko kotizazio-oinarria da, eskaera egin aurreko bi hilabeteetako bateko Langile Izendun Zerrendaren (LIZ) arabera. Beste kotizazio-araubide batzuen mendeko pertsonen dagokienez, Gizarte Segurantzaren araubide orokorreko oinarriarekin parekatutako oinarri bat hartuko da.
- ii) Urteko ordu kopurua langileak, lan-hitzarmenaren arabera, urtean egin beharreko ordu-kopurua da, kasu bakoitzean lanaldiaren murrizketaren portzentajea kontuan hartuta, halakorik egonez gero. Besterik adierazi ezean urteko 1.720 orduko hartuko dira.

Lan elkartuko kooperatibetako bazkide langileen kasuan, Gizarte Segurantzako Araubide Orokorrean sartuta ez badaude, baliokidea den kalkulu-sistema bat erabiliko da.

6. Zeharkako langileria-gastuei dagokienez, berriz, erakundearen administrazio gastu orokorren zati proportzionalari dagozkionak dira (energia elektrikoa, telefonoa, administrazio-ko langileak, alokairuak...). Dirulaguntza jaso dezakeen oinarria kalkulatzeko orduan, onartutako zuzeneko langileria-kostuen %40 onartuko da gehienez.



7. Honako hauek ez dira dirulaguntza jaso dezaketen gastutzat joko:
- a) Ez dute dirulaguntzarik jasoko entitate onuradunen langileen zuzeneko gastuek —entitateok direla sektore publikokoak, direla partaidetza publiko gehiengoduna duten entitateak—, baldin eta kostuak osorik finantzatu baditu administrazio publikoren batek. Langileen zuzeneko gastu horiekin lotutako zeharkako gastua, aldiz, diruz laguntzekotzat joko da.
 - b) 500 euro (BEZa kenduta) baino gutxiagoko gastuen frogagiriak sortzen dituzten kanpoko gastuak edo kanpoko inbertsioak. Salbuespen gisa, beste gastu batzuk onartuko dira, baldin eta haien sortzapen edo ordainketa epetan edo erlotan zaitu bada, eta adierazitako zenbatekoa baino gutxiagoko justifikazio-agiriak sortzen badituzte; horretaz gain, seriean zehar trazabilitate argia egon behar da, dirulaguntza jaso dezakeen gastuaren kontzeptu berari lotutako kopurua osoa 500 euro edo gehiago dela egiaztatzea ahalbidetzeko.
 - c) Dirulaguntzaren xedea den jarduerarekin inolako inola ere identifikatu ezin diren gastuak.
 - d) Zergak eta tasak, BEZa barne (BEZa berreskuratu ezin den kasuetan ere bai), eta jabetza industrial babesteko prozesuei lotutako tasak kanpo utzita.
 - e) Hornitzailea nor izango den adierazten ez duten gastuak edo inbertsioak.
 - f) Eskatzailearen eta hornitzailearen artean lotura dagoela erakusten duten gastuak. Ondorio horietarako, joko da lotura dagoela Sozietateen Gaineko Zergari buruzko abenduaren 5eko 11/2013 Foru Arauaren 42.3 artikulua eta Merkataritza Kodearen 42-49 artikuluek ezarritako kasuetan.
8. Ekonomia Sustatzeko Sailak uste badu gastuen aurrekontua antzeko gastuen batez besteko kostuarekin alderatu eta gehiegizkoa dela, dirulaguntzaren oinarria murriztu ahal izango du, gastuentzako zenbateko egoki eta proportzionalera arte..
9. Dena dela, diruz lagun daitekeen gastuaren zenbatekoak Sektore Publikoko Kontratuei buruzko azaroaren 8ko 9/2017 Legeak (aurrerantzean 9/2017 Legea) kontratu txikietarako ezarritako zenbatekoak (40.000 eurotik beherakoa, obra-kontratuak badira eta 15.000 eurotik beherakoa, hornitze- edo zerbitzu-kontratuak badira) gainditzen dituzte, onuradunak, gutxienez, hiru hornitzaile ezberdinen eskaintzak eskatu beharko ditu zerbitzua emateko edo ondasuna entregatzeko konpromisoa hartu aurretik, salbu eta, diruz lagundu daitezkeen gastuen ezaugarri bereziengatik, merkaturan ez bada nahikoa erakunderik halakorik hornitu edo eskaintzen duenik, edo salbu eta gastua dirulaguntza eskatu aurretik egin bada.
8. Aurkeztutako eskaintzak justifikazioan jaso beharko dira edo, hala badagokio, dirulaguntza eskaeran, eta haien artean aukeratzeko, eraginkortasun eta ekonomia irizpideak hartuko dira kontuan, eta, proposamen ekonomiko onuragarriena aukeratzeko ez denean, aukeraketa memoria batean justifikatu beharko da espresuki.
11. Diruz lagun daitekeen gastuaren balorazioa euroa ez den beste txanpon bat erabiliz eginez gero, fakturaren datan egingo da eurorako trukea.
12. 25. oinarrian ezarritako burutzeko epearen barruan (laguntza eskatzen den datatik 2024ko ekainaren 30era bitartean, biak barne) sortutako eta fakturatutako gastuak lagundu ahalko dira diruz, beti ere 26. oinarrian ezarritako justifikatzeko azken egunera arte (2024ko uztailaren 31) ordainduta badaude. Kanpoko gastuetan fakturazio data hartuko da erreferentzia gisa sortzeari buruzko kontabilitate-printzipioa urratzen ez badu.

6. oinarria. — Dirulaguntzen zenbateko indibidualizatua

1. Programa honetan ezarritako onurak ezarritako egitate eta diruz lagun daitezkeen gastuengatik dirulaguntzak dira. Dirulaguntzak ikerketa- eta garapen-proiektuetarako laguntzat hartzen dira, 651/2014 (EB) Erregelamenduaren 25. artikulua besean.
2. Laguntzen zenbatekoa honako ehuneko hauek aplikatuz lortuko da, ikerketa- eta garapen-jardueren kategoria bakoitzean diruz lagun daitekeen gastu-oinarriaren gainean. Laguntzaren ehunekoa zehazteko, kontuan hartuko da, halaber, onuradunaren eta



helbide soziala eta fiskala Bizkaian duten bi enpresaren edo gehiagoren arteko lankidetzaz eraginkorra.

Kategoria	Laguntzaren gehieneko %	
	Lankidetzaz gabe (%)	Lankidetzarekin (%)
Oinarrizko ikerketa	50	60
Ikerketa industrial	50	60
Garapen esperimental	25	35
Bideragarritasun-azterlana	50	50

3. Dirulaguntzen gehieneko ehunekoa diruz lagundu daitekeen espedienteen oinarriari aplikatuta gauditzen bada dirulaguntzen programaren aurrekontu-zuzkidura, orduan, hainbatu egingo da aurrekontu-zuzkidura.

4. Erakunde eskatzaile bakoitzeko, lagundutako proiektu bakoitzean 200.000 euro emango dira gehienez.

5. Ez da 25.000 eurotik beherako dirulaguntzarik emango. Muga hori ez da aplikatuko laguntzaren azken zenbatekoa 30. eta 31. oinarrietan ezarritako laguntzen metaketa eta bateragarritasun irizpideen ondorioz egindako murrizketa baten emaitza bada, edo erabilgarri dagoen kreditua agortu delako egin den murrizketa baten ondorioz bada.

6. Jarduketa burutzeko unea zein ere den, laguntza aurrekontuko ekitaldi bati edo hainbati esleitu ahalko zaie.

7. oinarria. — Aurrekontuko zuzkidura

1. Deialdi honetan eman daitezkeen laguntzak eta onurak, guztira 2.600.000,00 euro, jarraian zerrendatuko diren aurrekontu-partiden kontura ordainduko dira; ondoren adierazten diren gutxi gorabeherako kopuruetan banakatuko dira, eta haien muga partida bakoitzean ezarritako guztizko kopurua izango da:

Urtekoa	Aurrekontuko partida	Zenbatekoa
2022	0802/G/426107/45100 2019/0097	1.670.000,00
2023	0802/G/426107/45100 2019/0097	930.000,00

2. Deialdi honetan ageri den gehienezko zenbatekoa gutxi gorabeherakoa da eta, beraz, 5/2005 Foru Araua garatzeko dirulaguntzen erregelamendua onesten duen martxoaren 23ko 34/2010 Foru Dekretuaren (aurrerantzean 34/2010) 41.2. artikuluan ezarritakoaren arabera, eskabideak aurkezteko epea amaitu baino lehen aldatu ahal izango dira aurrekontu-kredituak, Gobernu Kontseiluak onetsitako foru-dekretu baten bidez, kontuan izanda zein den, aurreikuspenen arabera, eskatutako dirulaguntzen zenbateko osoa. Hala eginez gero, eskabideak aurkezteko epea luzatu behar izango da.

3. Martxoaren 23ko 34/2010 Foru Dekretuaren 43. artikularen babesean, aurrekontuko zuzkiduren guztizko zenbatekoa handitu ahal izango da, gehienez ere 1.000.000 euro, bai eskuragarri dauden kredituak gehitu direnean —kreditu-zabalkuntza, -sorrera edo -txertatzearen ondorioz—, bai kopuru osagarri bat dagoenean —aurreko deialdietako eskaerak aurreikusi baino zenbateko txikiagoan ebatztearen ondorioz—. Kasu horietan, kreditu osagarri hori soilik izango da eraginkorra baldin eta kreditu horren erabilgarritasuna adierazita badago. Adierazpen hori dirulaguntza emateko ebatzpena eman aurretik egin beharko da. Handitze hori eskumena duen organoak baimendu beharko du.

4. Deialdiko eskabide guztiak ebatzi ondoren, guztira dirulaguntzetarako emandako diru kopurua aurrekontu-muga baino txikiagoa balitz, gastu-baimenaren ezeztapena tramitatuko litzateke, soberan den zenbatekoan, foru-dekretu hau aldatu beharrik gabe.



II. TITULUA

ARAUDE JURIDIKOA

8. oinarria. — *Araubide juridikoa*

1. Deialdi honetan ezarritako dirulaguntzak Europar Batasuneko funtsen kontura finantzatuko dira, eta, beraz, arau hauen arabera arautuko dira: Europako Parlamentuaren eta Kontseiluaren 2021eko ekainaren 24koa 2021/1058 (EB) Erregelamendua, Eskualde Garapeneko Europako Funtzari eta Kohesio Funtzari buruzkoa (aurrerantz, 2021/1058 (EB) Erregelamendua), Europako Parlamentuaren eta Kontseiluaren 2021eko ekainaren 24ko 2021/1060 (EB) Erregelamendua, zeinaren bidez, batetik, xedapen erkideak ezartzen baitira Eskualde Garapeneko Europako Funtzarentzat, Europako Plus Gizarte Funtzarentzat, Kohesio Funtzarentzat, Bidezko Trantsizio Funtzarentzat eta Itsasoaren eta Arrantzaren Europako Funtzarentzat, eta, bestetik, finantza-arauak ezartzen baitira funts horietarako eta honako hauetarako: Asilo, Migrazio eta Integrazio Funtza; Barne Segurtasuneko Funtza eta Mugen Kudeaketarako eta Bisatu Politiketarako Finantza Laguntzeko Tresna (aurrerantz, 2021/1060 (EB) Erregelamendua), arau horien garapen- edo transposizio-arauak eta oinarri hauek.

2. Halaber, Batzordearen 2014ko ekainaren 17ko 651/2014 (EB) Erregelamenduari lotuta daude. Erregelamendu horren bidez, laguntza-kategoria jakin batzuk barne-merkatuarekin bateragarri deklaritzen dira, Tratatuaren 107. eta 108. artikulua eta 651/2014 (EB) Erregelamendua aldatzen duen Batzordearen 2021/1237 (EB) Erregelamendua aplikatuz.

3. Aurreko apartatuetan aurreikusi ez denean, dirulaguntza hauek araudi honen arabera arautuko dira: 5/2005 Foru Araua, 34/2010 Foru Dekretua, administrazio-zuzenbideko gainerako arauak, eta, halakorik ezean, zuzenbide pribatuko arauak.

9. oinarria. — *Organo eskudunak eta erakunde laguntzailea*

1. Espedienteak Berrikuntza Zerbitzuak antolatu eta izapidetuko ditu, Enpresen Lehiakortasuna Bultzatzeko Zuzendaritza Nagusiaren agindupean.

2. Espedienteen ebaluazioa ebaluazio-batzorde batek egingo du. Batzorde hori honela osatuko da:

- a) Epaimahaiburua: Berrikuntzako zerbitzuko burua edo hark eskuordetutako pertsona.
- b) Kideak:
 - 1) Berrikuntza eta Lehiakortasuna bultzatzeko ataleko burua edo hark eskuordetutako pertsona.
 - 2) Berrikuntza Zerbitzuan lanpostu tekniko bat betetzen duen pertsona bat, zerbitzuburuak izendatua.
- c) Idazkaria: Berrikuntza eta Lehiakortasuna bultzatzeko ataleko burua edo hark eskuordetutako pertsona.

Lehendakariak kalitate-botoa izango du berdinketak ebazteko, eta idazkariak ahotsarekin eta botorik gabe jardungo du.

3. Ebaluazio-batzorde hau osatzeko orduan, kontuan hartu beharko da bi sexuen artean ordezkaritza orekatuta egotea. Horrek esan nahi du bi sexuek nahikotasunez ordezkaturik egon behar dutela, hala ezartzen baita Emakumeen eta Gizonen Berdintasunerako eta Emakumeen aurkako Indarkeria Matxistatik Gabeko Bizitzetarako otsailaren 18ko 4/2005 Legearen (aurrerantz, 4/2005 Legea) 20. artikuluan eta 4/2018 Foru Arauaren 44. artikuluan.

4. Espedienteak ebaztea Ekonomia Sustatzeko foru diputatuari dagokio, instrukzio-organoak eta Enpresen Lehiakortasuna Bultzatzeko Zuzendaritza Nagusiko tituluarrak proposatuta, ebaluazio-batzordeak txostena eman ondoren.

5. Beaz, S.A.U., sozietateak erakunde laguntzaile gisa jardungo du, Bizkaiko Foru Aldundiarekin sinatutako lankidetzak-hitzarmenean xedatutakoa betez, eta hitzarmen



horretan eta oinarri arautzaile hauetan adierazten diren eginkizunak beteko ditu. Era berean, indarrean dagoen dirulaguntzei buruzko araudiaren ondoriozko betekizunak eta betebeharrak bete beharko ditu.

6. Lankidetzeta-hitzarmena alde zuzenetik suntsiarazten bada, hitzarmena suntsiarazteko akordioan jasotzen diren jarraibideei jarraituko zaie.

10. oinarria. — Arau-haustea eta zehapenak

1. Arau-hausteen eta zehapenen araubidea 5/2005 Foru Arauaren IV. tituluan eta 34/2010 Foru Dekretuaren IV. tituluan xedatzen dena izango da.

2. Aplikatu beharrekoa izango da Administrazio Publikoen Administrazio Prozedura Erkidearen urriaren 1eko 39/2015 Legea (aurrerantzean 39/2015 Legea) ezarritakoa, Administrazio Publikoen Administrazio Prozedura Erkidearen urriaren 1eko 40/2015 Legea ezarritakoa, bai eta Euskal Autonomia Erkidegoko Herri Administrazioen zigortzeko ahalmenari buruzko Eusko Legebiltzarraren otsailaren 20ko 2/1998 Legea aurreko manuari kontra egin gabe xedatzen dena.

11. oinarria. — Ez-betetzea eta dirulaguntza itzultzea

1. Jarraian aipatzen diren kasuetan, itzuli egin beharko dira jasotako dirulaguntza, dirulaguntza ordaindu den unetik itzultzea erabakitzen den datara bitartean dagozkion berandutza-interesak, eta, hala badagokio, galdu egingo da dirulaguntza kobratzeko eskubidea.

a) Oinarri hauetan, emakidaren ebazpenean edo aplikatu beharreko araudian ezarritako betebeharrak edo baldintzen bat betetzen ez denean.

b) 5/2005 Foru Arauaren 33. artikuluan edo 34/2010 Foru Dekretuan aurreikusitako kausaren bat gertatzen denean.

2. Itzuli beharreko diru-kopuruak zuzenbide publikoko sarreratzat joko dira, ondorio guztietarako.

3. Itzuli beharreko zenbatekoei aplikatu beharreko berandutze-interesa 5/2005 Foru Arauaren 34. artikuluan aurreikusitakoa izango da.

4. Dirua itzultzeko prozedura 5/2005 Foru Arauaren II. tituluan eta 34/2010 Foru Dekretuaren III. tituluan xedatutakoaren arabera izapidetuko da.

5. Dirulaguntza emateko ezarritako baldintzak ez betetzeak mailakatzeko irizpideak honako hauek izango dira:

a) Dirulaguntza ematea eragin zuen proiektuaren gastua ez bada xedatzen deialdian ezarritako epean, emandako dirulaguntza osoa galduko da.

b) Dirulaguntza ematea eragin zuen jarduketaren gastuaren zati bat soilik xedatzen bada deialdian ezarritako epean, galdu egingo da xedatu ez den zatiari dagokion dirulaguntza, betiere xedapen partzial horrek diruz lagundutako jarduketaren helburua lortzea eragozten ez badu.

c) Jarduketa gauzatzeko epeak betetzen ez badira, jasotako zenbatekoak itzuli beharko dira, berandutze-interesekin batera. Hala ere, jarduketak ez badira amaitu epe orokorrean edo luzapen-epean, baina zatiren bat epe barruan egin bada, epe barruan egin ez den zatiren dirulaguntzaren zenbatekora mugatuko da itzultzeko betebeharra, baldin eta gauzatze partzial horrek ez badu eragozten jarduketaren xedea lortzea.

d) Ekintzak edo gastuak gauzatu edo justifikatzean ez-betetze partziala gertatzen bada, itzuli beharreko zenbatekoa proportzionaltasun-irizpidearen arabera zehaztuko da, dirulaguntza ematerakoan ezarritako baldintzen entitatea eta ez-betetze maila kontuan hartuta.

e) Gehiegizko finantzaketa gertatzen bada, aldi berean beste laguntza batzuk jaso direlako —5/2005 Foru Arauaren 18.3. artikuluan jasotako balizkoa—, behar denaren gainetik jasotako kopurua itzuli beharko da, eta kopuru horri dagokion berandutze-interesa ezarriko zaio.



- f) Oinarri hauetan ezarritako gainerako betebeharrak betetzen ez badira, emandako dirulaguntza osorik edo zati batean galduko da, oinarrietan xedatutakoaren arabera, eta, berariazko aurreikuspenik ezean, itzuli beharreko zenbatekoa proportzionaltasun-irizpidearen arabera ezarriko da, ez-betetzeak lortu nahi den helbururako duen garrantzia eta interes publikorako duen garrantzia kontuan hartuta.

12. oinarria. — Dirulaguntza erakunde onuradunaren ekimenez itzultzea

1. Onuradunak berak Administrazioaren aurretiazko errekerimendurik gabe egindakoa da borondatezko itzulketa.
2. Borondatezko itzulketa egiten denean, Administrazioak dagozkion berandutze-interesak kalkulatuko ditu 5/ 2005 Foru Arauaren 34. artikuluan ezarritakoaren arabera eta pertsona edo erakunde onuradunak behin betiko itzulketa benetan egin duen unera arte.
3. Onuradunak berak bere borondatez itzuli nahi badu dirulaguntza, ordainketa-gutuna erabili beharko du, Bizkaiko Foru Aldundiaren eredu ofizialaren arabera.

III. TITULUA**DIRULAGUNTZAK EMATEKO PROZEDURA****13. oinarria. — Dirulaguntza-eskabideak aurkezteko lekua, era eta epea eta ondorengo izapideak**

1. Dirulaguntza-programa honetan parte hartu nahi duten pertsonak konpromisoa hartuko dute Ekonomia Sustatzeko Sailaren bulego birtualaren bidez (<http://www.bizkaia.eus/sustapena-oficinavirtual>) dirulaguntza jasotzeko eskaera formalizatzeko, dokumentazioa bidaltzeko, justifikazioak egiteko, errekurtsoak jartzeko, alegazioak egiteko, dagoeneko irekita dauden espedientei buruzko aldatetak aurkezteko eta edozein izapide egiteko. Izan ere, kontuan izanik erakundeon gaitasun ekonomiko eta teknikoak eta haien dedikazio profesionala, ulertu behar da bermaturik dutela behar diren bitarteko teknologikoak eskuratu eta erabiltzeko modua, 39/2015 Legearen 14. artikularekin bat etorruta.
2. Interneten aurkeztu behar dira eskaerak, «Ekonomia Sustatzeko Sailaren bulego birtuala» atalean, Bizkaiko Foru Aldundiaren web-orri instituzionaleko egoitza elektronikoa.
3. Bulego birtualean sartzeko, bertan adierazten den indarreko araudiaren arabera onartutako identifikazio eta sinadura elektronikoko edozein bide erabili ahal izango da. Bitarteko horiei esker, eskaerak egin daitezke pertsona juridikoen ordezkari gisa. Identifikazio eta sinadura elektronikorako B@kQ txartela erabili nahi izanez gero, jakinarazten da Ekonomia Sustatzeko Sailaren egoitzan eskura daitekeela (Orueta apezpikua 6, Bilbo).
4. Eskabidea aurkezteko ezinbestekoa izango da pertsona hori Ekonomia Sustatzeko Sailaren erakunde eta pertsona fisikoen erregistroan alta emanda egotea (erregistro hori Bizkaiko Foru Aldundiaren ekainaren 14ko 109/2016 Foru Dekretuan araututa dago). Egoera horretan ez badago, pertsona edo erakunde horrek inskripzio-eskabidea bete beharko du bulego birtualean, dirulaguntza-eskabidea izapidetu baino lehen.
5. Eskabideekin batera, hurrengo oinarrian adierazitako dokumentazioa aurkeztu behar da, bulego birtualean dagoen agiriak eransteko sistema erabilita. Era berean, eskabide horietan eskatutako informazioa eta erantzukizunpeko adierazpena aurkeztu beharko dira..
6. Hona eskabideak aurkezteko epea: 2022ko maiatzaren 2ko 8:30etatik 2022ko maiatzaren 20ko 13:30era.

**14. oinarria. — Eskabidea egiteko beharrezko dokumentazioa**

1. Ekonomia Sustatzeko Sailaren bulego birtualaren bidez aurkeztutako eskabideak bulego birtualaren bidez bete eta aurkezteko dauden eredu espezifikoaren arabera-koak izango dira, 39/2015 Legearen 66.6 artikuluan xedatutakoarekin bat etorrira.

2. Lansaio osokoak urteko kopuru baliokideetan 50 langile baina gutxiago duen erakunde bakoitzak, eskabide bat (1) aurkeztu ahal izango ditu, gehienez. Lansaio osokoak urteko kopuru baliokideetan 50 langile edo gehiago duen erakunde bakoitzak, eskabide bi (2) aurkeztu ahal izango ditu, gehienez.

Ondorio horietarako, langiletzat joko dira lan-kontratu baten bidez enpresari lotuta dauden pertsonak, Gizarte Segurantzaren Erregimen Orokorrean sartuta badaude. Halaber, langiletzat joko dira lan elkartuko kooperatibetako bazkide langileak, Gizarte Segurantzako Araubide Orokorrean sartuta ez badaude ere. Seme-alabak edo mendetasuna duten pertsonak zaintzeagatik lansaioa murrizten den kasuetan, erakunde eskatzailearen beraren eskariz, murrizketa kontuan hartu gabe konputatu ahal izango dira lansaio horiek.

3. Erakunde batek baimendutako gehieneko kopurua gainditzen duen eskabide kopuru bat aurkezten badu, organo instruktoreak eskatzaileari jakinaraziko dio, eta 10 eguneko epea emango dio eskabideetako batzuei uko egiteko, bere nahierara. Berariazko erantzunik jaso ezean, baimendutako gehieneko kopurua soilik hartuko da kontuan, eta organo instrukzio-egileak lehendabizi jasotako eskabideak baino ez ditu ebaluatuko, eta gainerako eskabideak automatikoki baztertuko dira.

4. Agiri administratibo eta tekniko hauek aurkeztu behar dira eskabideekin batera:

- a) Eskabide telematikoa, 13. oinarrian ezarritakoaren arabera.
- b) Ekonomia Sustatzeko Sailaren web gunean eta bulegoetan eskura daitekeen ereduaren arabeko eskabidea.
- c) Eskaera egin aurreko bi hilabeteetako bateko Langile Izendun Zerrenda LIZ (aitzineko TC2a) berriena. Gizarte Segurantzako Araubide Orokorrean sartuta ez dauden lan elkartuko kooperatibetako bazkide langileen kasuan, dokumentazio baliokidea.
- d) Lankidetza-akordioa, hala badagokio.
- e) Erakundeak baldin badauzka, indarrean dauden ziurtapenak eta/edo planak, berdintasun, ingurumen, euskararen sustapen eta enpresa erantzukizun sozialekoak, bai eta erakunde publiko eskudunek emandako aintzatespenak eta diploma ere.
- f) Hartzekodunaren fitxa, Bizkaiko Foru Aldundiko webgunean dagoen eredu ofiziala, Bizkaiko Foru Aldundian banku-helbideratzeari buruzko datuak ez badaude edo dauden datuak aldatu nahi badira. Dokumentazio osoa dagoela jotzen den data zehazterakoan ez da kontuan hartuko hartzekodunaren fitxa, espedientearen ebazpena emateko ondorioetarako.

5. Proiektua baloratzeko ondokoak hartuko dira kontuan jasotako agiriak eta proiektuan parte hartuko duten enpresako pertsonekin egindako elkarriketan bildutako informazioa. Inguruabarrak (data, agerliarrak, eta abar) eta ondoreak, aurkeztu den proiektuari dagokionez, administrazio-espedientearen sartuko den agiri batean jasoko dira.

6. Ekonomia Sustatzeko Sailaren Berrikuntza Zerbitzuak, Bizkaiko Elkarrengarritasun Nodoaren bidez eta dagozkion elkarrengarritasun-zerbitzuen bidez, aurkeztu diren eskabideen administrazio-izapideak egiteko eskatutako pertsona eta erakunde interesdunen datuak egiaztatu eta kontsultatuko ditu, 39/2015 Legearen 13., 28. eta 53. artikuluetan aitortutako eskubideei kalterik egin gabe.

Laguntza-eskaerak berekin ekarriko du beste bitarteko batzuen bidez beste administrazio publiko batzuetatik informazio egokia lortzeko baimena, baldin eta arrazoi teknikoengatik ezin bada lortu elkarrengarritasun-zerbitzuen bidez.



Arrazoi teknikoak direla eta, ez bada posible informazioa zuzenean beste administrazio batzuetatik eskuratzea, Ekonomia Sustatzeko Saileko Berrikuntza Zerbitzuak izapideak egiteko beharrezkotzat jotzen dituen datuak edo dokumentuak eskatu ahal izango ditu.

15. oinarria. — Eskabidea zuzentzea edo hobetzea

1. Eskabideak elektronikoki edo behar bezala beteta ez badaude, edo eskabidearekin batera foru-dekretu honetan eskatutako agirietakoren bat aurkeztu ez bada, errekerimendua egingo zaio interesdunari, hamar (10) egun balioduneko epearen barruan akatsa zuzendu edo beharrezko agiriak aurkez ditzan. Era berean, ohartaraziko zaio ezen, hala egiten ez badu, eskaeran atzera egin duela ulertuko dela eta, behin ebazpena emanda, eskaera artxibatu egingo dela.

2. Instrukzio-organoak aurkezten diren eskabideak behar bezala ulertzeko eta ebaluatze beharrezkotzat jotzen duen informazio osagarri guztia bildu ahal izango du.

16. oinarria. — Dirulaguntza emateko prozedura

1. Norgehiagoka da dirulaguntzak emateko erabiliko den prozedura; horretarako, deialdi eta hautaketa-prozedura bakarrak egingo dira.

2. Foru-dekretu honen ondorioetarako, honako hau jotzen da norgehiagoka prozeduratzat: dirulaguntzak emateko, aurkeztu diren eskabideak konparatzea, eta, aurretik ezarritako ebaluazio-irizpideen arabera, lehentasun-hurrenkera ezartzea, erabilgarri dagoen kredituaren arabera, puntuazio handiena lortu dutenei dirulaguntzak adjudikatzeko.

17. oinarria. — Eskabideak baloratzeko irizpideak

1. Eskabideak irizpide eta azpi-irizpide hauen arabera baloratuko dira eta ponderazio hau emango zaie:

- a) irizpidea: Orientazio zientifiko-teknologikoa (30 puntu, gehienez).
 - a.1) Proposamenaren egokitasuna: proiektuaren ekarpen zientifiko-teknikoa, oraingo artearen egoerari dagokionez; aurretiko esperientzia, eta enpresa-, ekoizpen- eta gizarte-arloetan aurkitutako beharrianak (10 puntu, gehienez).
 - a.2) Euskadiko espezializazio adimenduneko RIS3 estrategiarekiko lotura (10 puntu, gehienez).
 - a.3) Berrikuntza- eta originaltasun-gradua: proposamenaren haustura-gradua, eta ezagutza originala sortzeko gaitasuna (5 puntu, gehienez).
 - a.4) Espero izandako zuzeneko emaitzak: proiektuaren emaitzen garrantzia eta zehaztasuna —argitalpenak, biltzarretan aurkezpenak egitea, produktuen garapen berriak, prozesuak eta aplikazioak— (5 puntu, gehienez).
- b) Transferentzia teknologikoa eta proiektuaren eragina (40 puntu, gehienez).
 - b.1) Proiektuko teknologia zuzentzen zaion sektore ekonomikoak Bizkaian duen tamaina (10 puntu, gehienez).
 - b.2) Proiektuak teknologia ustiatu lezaketen enpresen lehiakortasunean izan lezakeen eragina (10 puntu, gehienez).
 - b.3) Merkatuarekiko hurbiltasuna; teknologia goi-mailako heldutasun-mailara eramateko garatutako proiektua (10 puntu, gehienez).
 - b.4) Bizkaiko enpresa zehatzek proiektuan duten interesa eta hari eginiko ekarpenak (10 puntu, gehienez).
- c) Proiektuaren definizioa eta aurkeztutako proposamenaren kalitatea (22 puntu, gehienez).
 - c.1) Proiektuaren bideragarritasuna (5 puntu, gehienez).
 - c.2) Proiektua gauzatzeko bideratutako giza taldearen dimentsioa eta gaitasuna (5 puntu, gehienez)..



- c.3) Proiektura bideratutako baliabideen egokitasuna (5 puntu, gehienez).
 - c.4) Proiektuaren plangintza, helburuak, adierazleak eta jarraipen-sistematika (5 puntu, gehienez).
 - c.5) Aurrekontu nahikoa eta finantzazio-iturri jakinak eta egokiak (2 puntu, gehienez).
 - d) Konpromiso soziala eta iraunkortasuna (3 puntu, gehienez):
Irizpide honetan, kontuan hartuko da eskatzaileak ziurtagiriak eta /edo planak izatea arlo hauetan: ingurumenaren iraunkortasuna, euskararen sustapena eta erantzukizun sozial korporatiboa.
 - e) Genero-berdintasuneko ibilbidea (2 puntu, gehienez):
Irizpide honetan, kontuan hartuko da eskatzaileak kanpoko ziurtagiriak eta /edo aintzatespenak izatea genero-berdintasunean.
 - f) Gizonen eta emakumeen parte-hartze orekatua proiektuan (3 puntu, gehienez):
Irizpide honetan, kontuan hartuko dira proiektuan parte hartuko duten eskatzaileko langileetako gizonen eta emakumeen kopurua eta proiektuan gizonak eta emakumeak duten erantzukizunen banaketa.
2. Gutxienez 40 puntu eskuratu beharko dira, jarduerak edo proiektuak laguntza jaso ahal izan dezan.
3. Berdinketa gertatuz gero, a) irizpidean lortutako puntuazioa hartuko da kontuan. Berdinketak jarraitzen badu, b) irizpideko puntuazioa hartuko da kontuan. Eta berdinketak jarraitzen badu, eskabideen sarrera-ordena hartuko da kontuan.

18. oinarria. — Ebazpena

1. Espedientearen instrukzioa amaitutakoan, ebaluazio-batzordeak aztertu eta irizpena eman ondoren, organo instrukzio-egileak ebazpen-proposamena egingo du, eta Enpresen Lehiakortasuna Bultzatzeko Zuzendaritza Nagusiko titularrari helaraziko dio. Azken horrek, era berean, Ekonomia Sustatzeko foru diputatuari igorriko dio ebazpen-proposamena, eta hark dagokion foru-aginduaren bidez ebatziko du. Ebazpenean erabakiko da bai dirulaguntzak ematea, bai ezestea edo ez ematea.
2. Ebazpenean, emandako laguntzen, ezetsien eta eman ez diren laguntzen zerrenda jasoko da, eta, hala badagokio, horietako bakoitzari emandako puntuazioa adieraziko da, aurreikusitako balorazio-irizpideen eta ezesteko eta ez emateko arrazioen arabera.
3. Dirulaguntza emateko ebazpenean, baldintza bereziak ezarri ahal izango dira, baldin eta uste bada ezen, proiektuen izaera berezia edo gertatzen diren beste inguruabar batzuk direla bide, egoki dela halako baldintzak ezartzea, hartara kasu bakoitzari egokitzeko eta aplikatzeko foru-dekretu honetan edo aplikatzekoak diren gainerako arauetan xedaturikoa. Era berean, onaturiko dirulaguntza emateko ebazpenean, adierazi behar da, kasuan kasuko europar programan ezartzen den moduan, Europar Batasunak parte hartzen duela, zer programa nahiz fondotan sartzen den emandako.
4. Eskaturiko dirulaguntza eman, ezetsi edo eman ez izana adierazten duen ebazpena interesdunei jakinaraziko zaie.
5. Ebazpena jakinarazi ondoren, hamar (10) eguneko epea izango dute onuradunek ebazpena onartzeko, eta epe hori berenberegiko adierazpenik egin gabe igarotzen bada, ebazpena isilbidez onartu dela ulertuko da.
6. Ebazpena emateko eta jakinarazteko epea sei (6) hilabetekoa izango da gehienez, eskabideak aurkezteko epea amaitzen denetik zenbatuta. Epe horretan ebazpenik ematen ez bada, eskaera ezetsitatzat joko da, administrazio-isiltasuna dela eta.

19. oinarria. — Errekurtsoak

1. Ebazpenak administrazio-bidea agortzen du, eta, 39/2015 Legearen 114., 123. eta 124. artikuluetan xedatutakoaren arabera, interesdunak aukerako berraztertze



errekurtsoa aurkeztu ahal izango dio Ekonomia Sustatzeko foru diputatuari, hilabeteko (1) epean, ebazpena jakinarazi eta hurrengo egunetik aurrera.

2. Era berean, administrazioarekiko auzi-errekurtsoa jarri ahal da administrazioarekiko auzien Bilboko epaitegiaren aurrean –txandaren arabera dagokiona–, bi (2) hilabeteko epean, jakinarazpena jaso eta hurrengo egunetik zenbatuta, kontuan harturik zer ezartzen duen Administrazioarekiko Auzien Jurisdikzioa arautzen duen uztailaren 13ko 29/1998 Legeak.

3. Ezin izango dira bi errekurtsook aldi berean jarri.

20. oinarria. — Dirulaguntzari uko egitea

1. 34/2010 Foru Dekretuaren 48.3. artikuluan arautzen denarekin bat, onuradun gertatu den pertsona batek dirulaguntzari uko egiten badio, dirulaguntza ematen duen organoak erabaki dezake zerrendan hurrengo datozen eskatzaileei ematea puntuazioaren arabera, baldin eta nahikoa kreditu geratu bada aske kasuan kasuko eskabideei erantzuteko.

2. Dirulaguntza ematen duen organoak aukera horren berri emango die pertsona edo erakunde interesdunei, dirulaguntzaren proposamena onar dezaten, hamar (10) egun balioduneko epean; epe hori ezin da luzatu. Behin eskatzaileek proposamena onartuta, administrazio-organoak dirulaguntza emateko egintza emango du, eta haren jakinarazpena egingo du.

3. Uko egitea aurkezteko gehienezko epea hamar (10) egun baliodunekoa izango da, interesdunari dirulaguntzaren proposamena jakinarazten zaionetik hasita. Epe hori igarota, hortik aurrera uko egiterik gertatzen bada, dirulaguntza emateko baldintzak ez direla bete joko da.

21. oinarria. — Dirulaguntza emateko ebazpena aldatzea

1. Pertsona onuradunek, diruz lagundutako jarduera egiteko epea amaitu baino lehen, baimena eska diezaioke Ekonomia Sustatzeko foru diputatuari, diruz lagundutako jardueraren ebazpenean aldaketak egin ahal izateko, hala nola, finkatutako epeak luzatzea, emandako zenbatekoa murriztea edo jarduera osatzen ekintzak aldatzea. Aldaketa horiek baimenduko dira ezohiko inguruabarrak daudenean edo jarduera ondo gauzatzeko beharrezkoak direnean, betiere dirulaguntzaren xedea edo helburua aldatzen ez bada eta hirugarren pertsonen eskubideei kalte egiten ez bazaie. Aldaketa-eskaerak diruz lagundutako jarduera egiteko epea amaitu baino hilabete (1) lehenago aurkeztu beharko dira gutxienez.

2. Ekonomia Sustatzeko foru diputatuak ofizioz alda dezake dirulaguntza emateko ebazpena, onuradunari entzunaldia eman ondoren eta funtsak aplikatu aurretik; horretarako, bi baldintza hauek bete behar dira: batetik, laguntza emateko kontuan hartu ziren baldintzen aldaketek ezin izango dute eragotzi edo oztopatu laguntzaren bidez lortu nahi zen interes publikoa, eta, bestetik, ezingo zaio kalte ekonomikorik eragin onuradunari.

3. Dirulaguntzaren onuradunak, berak aurkeztutako justifikazioan, adierazten badu aldaketa batzuk egon direla dirulaguntza emateko kontuan hartu ziren baldintzetan, dirulaguntza emateko ebazpena aldatzea ekar lezaketenak, eta aldaketa horiek guztiak onartzeko ez bada bete aurretik bete beharreko baimen administratiboko izapidea, orduan, dirulaguntza eman duen organoak onartu egin dezake aurkeztutako justifikazio hori, betiere onartze horrek ez badie kalterik eragiten hirugarrenen eskubideei; hala ere, horrek ez du salbuesten pertsona onuraduna 5/2005 Foru Arauaren arabera izan ditzakeen zehapenetatik.

22. oinarria. — Emandako dirulaguntzen publizitatea

1. Dirulaguntza eman den urte naturala amaitu ondorengo lehen hiruhilekoa amaitu baino lehen, Ekonomia Sustatzeko Sailak Bizkaiko Aldizkari Ofizialean argitaratuko ditu deialdi publiko honen ondorioetarako emandako dirulaguntzak, honako hauek adierazita: deialdia, aurrekontuko zer programari eta kredituri egozten zaizkion, onuradunaren izena edo sozietate-izena eta haren identifikazio fiskaleko zenbakia, emandako zenba-



tekoa, dirulaguntzaren helburua edo helburuak, eta diruz lagundutako programak edo proiektuak. Urte askotako dirulaguntzen kasuan, emandako zenbateko osoa eta urtekoen banaketa. Era berean, Europar Batasuneko funtsen kargurako finantzaketa dagoe-la eta, hala badagokio, finantzaketaren ehunekoa adierazi beharko ditu.

2. Emandako dirulaguntzak onartzeak berekin dakar onuradunak honako erregelamendu honetan aurreikusitako onuradunen zerrenda publikoan sartzea: Europako Parla-mentuaren eta Kontseiluaren 2021/1060 (EB) Erregelamendua.

23. oinarria. — Onuradunak eman zaion dirulaguntzaren publizitatea egitea

1. Onuradunek diruz lagundutako jarduketaren finantzaketa publikoaren publizita-tea egin beharko dute. Horretarako, lagundutako jarduketaren zabalkunde publikorako egi-ten dituzten material, argitalpen eta ekitaldi guztietan, jasotako laguntza aipatu beharko dute era honetan: «Bizkaiko Foru Aldundiak finantzatu du proiektu hau, 2022ko Tek-nologia Transferentzia Programaren barruan eta FEDER funtsaren kofinantziazioa ere badauka / Este proyecto ha sido financiado por la Diputación Foral de Bizkaia dentro del Programa Transferencia Tecnológica 2022 y cuenta con cofinanciación del FEDER». Bizkaiko Foru Aldundiaren eta Europar Batasunaren ikur ofizialak ere jarri beharko dituz-te, erraz ikusteko leku batean.

2. Era berean, kofinantzaturiko laguntza baten onuradun izanik, araudi hauetan ezarritako informazio- eta publizitate-betebeharrak bete beharko dira: Europako Parla-mentuaren eta Kontseiluaren 2021eko ekainaren 24ko 2021/1060 (EB) Erregelamen-duaren 47. 50. artikulua eta IX. eranskina.

24. oinarria. — Jakinarazpen elektronikoa

1. Erakunde interesdunei egindako jakinarazpenak bitarteko elektronikoen bidez egingo dira, 39/2015 Legean aurreikusitakoaren arabera.

2. Bitarteko elektronikoen bidezko jakinarazpenak Bizkaiko Foru Aldundiaren Egoitza Elektronikoa agertuz egingo dira ([https:// www.ebizkaia.eus](https://www.ebizkaia.eus)) araudi bi hauetan ezarritakoaren arabera: Bizkaiko Foru Aldundiaren 62/2015 Foru Dekretua, maiatzaren 5ekoa, Administrazio Elektronikoa buruzkoa, eta Herri Administrazioarako eta Erakunde Harremanetarako foru diputatuaren 4841/2016 Foru Agindua, ekainaren 6koa, jakina-razpenak eta komunikazioak Bizkaiko Foru Aldundiaren egoitza elektronikoa agertzeko sistemaren bidez egiteari buruzkoa.

3. Egindako jakinarazpen elektronikoa eskuragarri jartzeari buruzko abisua es-kabidean aurkeztutako helbide elektronikora bidaliko dira. Horretarako, eskaera bete on-doren, ofizioz eskumena duen organo edo unitateak alta emango dio helbide elektronikoa horri Bizkaiko Foru Aldundiaren prozeduren katalogoko dirulaguntzen prozedura honeta-rako aipatutako egoitza elektronikoa abisu-sisteman. Abisu horiek ez dute, inola ere, jakinarazpen-ondoriorik izango, eta horiek ez egoteak ez du eragotziko jakinarazpena guztiz baliozkotzat jotzea.

4. Jakinarazpenak egindakotzat joko dira edukira sartzerakoan, eta ezetsizat jaki-narazpena eskura jartzen denetik hamar egun natural igarotzen direnean edukira sartze-rik gertatu ez denean.

IV. TITULUA

GAUZATZEA, JUSTIFIKATZEA ETA KONTROLA

25. oinarria. — Gauzatze epea

1. Diruz lagundutako jarduerak edo proiektuak laguntza-eskabide aurkeztu ondo-ren hasi beharko dira eta 2024ko ekainaren 30a baino lehen amaitu.

2. Ekonomia Sustatzeko foru diputatuak gauzatze epea luzatu ahal izango du, hurrengo apartatuetan adierazitakoaren arabera.



3. Onuradunak gauzatzeko epea luzatzeko eskatu ahal izango du, honako baldintza hauek betetz gero:

- a) Alegatutako arrazoia gertatu eta izandako edo izan daitekeen atzerapena egiaztatu ahal izateko eskatu beharko da berehala, eta, nolanahi ere, gauzatzeko epea amaitu baino gutxienez hilabete bat (1) lehenago.
- b) Gauzatzeko epea luzatzea eragin duen gerora sortutako arrazoia adierazi beharko da, ezin zaiona egotzi onuradunaren doloari, erruari edo zabarkeriari.
- c) Ustekabeko kasua eta ezinbesteko kasua, halakorik gertatuz gero, kontuan hartuko dira eskatzen den luzapenari buruz ebazteko.
- d) Eskabidearekin batera honako agiri hauek aurkeztu beharko dira: alegatutako arrazoia egiaztatzen duen dokumentazioa, izandako edo izan beharreko atzerapena egiaztatzen eta justifikatzen duen dokumentazioa, eta, ondorioz, eskatutako luzapen-epea, bai eta dirulaguntza kudeatzeaz arduratzen den zerbitzuak eskatzea komeni dela uste duen beste edozein agiri ere.
- e) Ez da baimenduko alegatutako eta egiaztatutako atzerapena baino gehiago, betiere luzapen horrek emandako dirulaguntzaren helburua betetzea ahalbidetzen badu eta hirugarrenen eskubideei kalterik egiten ez badie.

4. Eskatutako luzapena ebazteko eta jakinarazteko gehieneko epea hilabete (1) da, eskaera bulego birtualean aurkezten denetik. Epe horretan berariazko ebazpenik jakinarazi ez bada, eskaera ezetsi egin dela ulertuko da.

26. oinarria. — Justifikazio-epea

1. Onuradunek organo instrukzio-egileari aurkeztu beharko diote ezarritako baldintzak bete direla eta dirulaguntza emateko egintzan aurreikusitako helburuak lortu direla egiaztatzen duen agiria, laguntza onartu eta hurrengo egunean hasiko den eta 2024ko uztailaren 31, barne, amaituko den epean, oinarri hauetan ezarritako moduan.

2. Dirulaguntzen onuradun diren erakundeek, dirulaguntzaren azken justifikazioaz gainera, bitarteko justifikazio bakarra aurkeztu dezakete, 2023ko uztailaren 31 baino lehen (egun hori barne).

3. Ekonomia Sustatzeko foru diputatuak justifikazioa aurkezteko ezarritako epea luzatu ahal izango du, gehienez ere haren erdia, betiere alegatutako inguruabarrek hala gomendatzen badute eta horrekin hirugarrenen eskubideei kalterik egiten ez bazaie. Eskaera eta luzapenari buruzko erabakia justifikazio-epea amaitu baino lehen egin beharko dira. Alegatutako arrazoia gertatu eta berehala eskatu beharko da, eta, nolanahi ere, justifikazio-epea amaitu baino gutxienez hilabete (1) lehenago. Berariazko ebazpenik jakinarazten ez bada, eskaera ezetsi egin dela ulertuko da.

4. Justifikazioa egiteko epea igaro eta dagokion instrukzio-organoaren aurrean ez bada aurkeztu justifikaziorik, organo horrek errekerimendua egingo dio erakunde onuradunari, hamabost (15) egun baliodunen epean aurkez dezan, jakinarazpena egin eta hurrengo egunetik aurrera. Epe hori ezingo da luzatu. Justifikazioa ez bada ezarritako epean aurkezten, dirulaguntza itzultzea eskatuko zaio onuradunari eta, gainera, Dirulaguntzen Foru Arauaren 37. artikuluan eta hurrengoetan ezartzen diren gainerako erantzukizunak eskatuko zaizkio.

27. oinarria. — Azpikontratazioaren baldintzak

1. Honako hau joko da azpikontrataziotzat: onuradunak hirugarren pertsona batekin hitzartzen duenean dirulaguntzaren xedeko jarduera oso-osorik edo zati bat egitea. Azpikontratazioaren kontzeptu horretatik kanpo gelditzen da onuradunak diruz lagundutako jarduera bere kabuz gauzatzeko egin behar dituen gastuen kontratazioa. Aurrekoaren ondorioz, honako hauek ez dira azpikontrataziotzat joko: makineria, ekipamendua eta material suntsigarria erostea, dirulaguntzaren xedeko jardueraren barruko zeregin bereziak egiteko kanpoko zerbitzuen kontratazioa eta dirulaguntzaren xedeko jardueraren bestelako gastu osagarriak.



2. Onuradunak diruz lagundutako jarduera azpikontratatu ahal izango du, diruz lagundutako jardueraren zenbatekoaren ehuneko 50 arte. Azpikontratazio-ehuneko hori egindako azpikontratu guztien baturaren arabera kalkulatzeko da.

3. Inola ere ezingo dira azpikontratatu diruz lagundutako jardueraren kostua handitu arren jarduera horri balio erantsirik ez dakarkioten jarduerak.

4. Onuradunak ezin izango du inola ere hitzartu diruz lagundutako jarduerak osorik edo partez egitea 5/2005 Foru Arauaren 27.7 artikuluan zehaztutako pertsona edo erakundeekin.

5. 4/2005 Legean eta 4/2018 Foru Arauan aurreikusitakoaren arabera, dirulaguntzaren xedea gauzatzeko agintzen zaien erakundeek horietan aurreikusitako printzipio orokorrak eta 4/2018 Foru Arauaren 46. artikuluan jasotako betebeharrak errespetatu beharko dituzte.

6. Dena dela, azpikontratazioaren zenbatekoa handiagoa bada 9/2017 Legean kontratu txikietarako ezarritako zenbatekoak baino, onuradunak, gutxienez, hiru hornitzailearen eskaintzak eskatu beharko ditu zerbitzua emateko edo ondasuna entregatzeko konpromisoa hartu aurretik, salbu eta, gastuen ezaugarri bereziengatik, merkatuan ez bada nahikoa erakunderik halakorik hornitu edo eskaintzen duenik, edo salbu eta gastua dirulaguntza eskatu aurretik egin bada.

7. Aurkeztutako eskaintzak justifikazioan jaso beharko dira edo, hala badagokio, dirulaguntza eskaeran, eta haien artean aukeratzeko, eraginkortasun eta ekonomia irizpideak hartuko dira kontuan, eta, proposamen ekonomiko onuragarriena aukeratzeko denean, aukeraketa memoria batean justifikatu beharko da espresuki.

8. Beste batzuekin hitzarturiko jarduera hori dirulaguntzaren zenbatekoaren % 20tik gorakoa bada, eta zenbateko hori 60.000,00 euro baino handiagoa bada, azpikontratazioak honako baldintza hauek bete beharko ditu:

- a) Kontratua idatziz egin beharko da.
- b) Kontratua egin aurretik dirulaguntza eman duen erakundeak baimena eman beharko du, oinarri arautzaile hauetan ezarri den bezala.

9. Eskabideak proposatutako azpikontratazioaren baldintza nagusiak adierazi beharko ditu, eta Ekonomia Sustatzeko foru diputatuak ebatziko du, bulego birtualean aurkeztu denetik hamabost (15) egun balioduneko epean. Epe hori amaitzean ebazpen espresua jakinarazten ez bada, administrazio-isiltasunez ezetsi dela ulertuko da.

28. oinarria. — Dirulaguntzak justifikatzea

1. Justifikazio-kontu baten bitartez frogatuko du onuradunak betetzen dituela ezarritako baldintzak eta lortu direla dirulaguntza emateko egintzan aurreikusitako helburuak.

2. Dirulaguntzaren justifikazioa Ekonomia Sustatzeko Sailaren bulego birtualaren bidez izapidetu behar da

- 3. Justifikazio-kontuak honako dokumentazio hau jaso behar du:
 - a) Justifikazio telematikoa, Ekonomia Sustatzeko Sailaren bulego birtualak sortua.
 - b) Justifikazioaren txostena, webean eta Ekonomia Sustatzeko Saileko bulegoetan eskuragarri dagoen ereduaren arabera.
 - c) Justifikazioa egin aurreko bi hilabeteetako bateko Langile Izendun Zerrenda LIZ (aitzineko TC2a). Gizarte Segurantzako Araubide Orokorrean sartuta ez dauden lan elkartuko kooperatibetako bazkide langileen kasuan, dokumentazio baliokidea.
 - d) Legezko baldintzak betetzen dituzten gastuen fakturak. Beste herri batzuetako fakturekin batera itzulpena aurkeztu beharko da, ingelesez eginda daudenak izan ezik.
 - e) Fakturen ordainketen frogagiriak. Ez da onartuko eskudirutan ordaintzea.
 - f) 5.9. oinarrian eskatzen diren hiru eskaintzak edo ordezkio agiriak.



- g) Tresnen eta materialaren amortizazioaren ziozko kostuak egotziz gero, eskuratzeko-kostua, amortizazio-sistema eta proiektua gauzatu bitartean zer ehunekotan erabili diren jasotzen dituen adierazpena, eta ikuskatutako urteko azken kontuen liburu nagusiaren laburpena, urtekoari egotzitako zenbatekoa erakusten duena
 - h) Laguntzaren zabalitze egokia egiaztatzen duen dokumentazio grafikoa, 23. oinarrian adierazitakoaren arabera.
 - i) Dirulaguntza emateko ebazpenean beren-beregi aurkezteko eskatu dena.
4. Gastuak justifikatzeko, fakturak eta merkataritzako trafiko juridikoan frogabaliobaliokidea duten edo eraginkortasun administratiboa duten gainerako dokumentuak aurkeztu beharko dira, Ekonomia Sustatzeko Sailaren bulego birtualaren bidez aurkezteko aukera ematen duten formatuetan.
5. Dirulaguntza kalkulatzeko kostuak hiru kategoriatan sailkatuko dira: proiektua burutzeko lanari dagozkion barneko langileria-gastuak, proiektuari zuzenean lotuta dauden kanpoko gastuak eta zeharkako gastuak. Proiektua justifikatzeko unean ikusten bada oinarri hauetan jasotako kostu-kategorietako batean onargarria den guztizko zenbatekoa txikiagoa dela dirulaguntza kalkulatzeko onartutako zenbatekoa baino, beste kategoria batzuetan gorako desbideratzeen bidez konpentsatu ahal izango da, kategoria bakoitzean esleitutako zenbatekoa gehienez % 20 handituta, betiere dokumentu bidez behar bezala justifikatzen bada, eta muga izango da oinarri hauetan ezarritako gastu-kategoria eta -tipologia bakoitzeko gehieneko dirulaguntza ez gainditzea. Kostu-kategoria bakoitzari dagozkion laguntza-portzentajeen arabera kalkulatzeko dirulaguntzatik justifikatu beharreko zenbatekoari dagokionez, guztira emandako dirulaguntzaren zenbatekoa edo gehiago justifikatu behar da. Bestela, ez-betetzearen ondoriozko prozedura hasiko da.
6. 4/2005 Legearen 21 bis 3.d) artikuluan eskatutakoaren arabera, dirulaguntzak ematean ezarritako betebeharrak betetzen direla justifikatzen duten memorietan sexuaeren arabera banakaturako informazioa aurkeztu beharko da, emandako zerbitzuaren azken onuradun edo erabiltzaileei eta erakundearen titularrei eta plantillari buruz, bai eta dirulaguntzaren xede den zerbitzua emateko kontratatu den erakundeko plantillari buruz ere, hala badagokio.

29. oinarria. — Dirulaguntza ordaintzea

- 1. Dirulaguntza ordainketa bakarrean ordainduko da, onuradunak justifikatu ondoren eman zen jarduera, proiektua, helburua edo portaera gauzatu dela, oinarri hauetan ezarritako moduan eta justifikatutako zenbatekoan. Gehienez ere bi (2) ordainketa egingo dira.
- 2. Erakunde onuradunei egiten zaizkien ordainketak diruz lagun daitezkeen gastutzat jotzen diren justifikatutako gastuen proportzionalak izango dira, urteko bakoitzean ematen diren kopuruak gorabehera. Kopuru hori aldi bakoitzean eman dena baino txikiagoa izan daiteke, eta, hala badagokio, egindako gastuaren proportzionala den dirulaguntzaren azken doikuntza egin behar da.
- 3. Dirulaguntza ordaindu baino lehenago, onuradunek zerga-betebeharrak eta Gizarte Segurantzarekikoak beteta dituztela egiaztatuko da, eta ez daudela dirua itzultzeraren behartzen duen ebazpen prozedura baten ondorioz zordunen artean. Egiaztapen horren ondorioz, ikusten bada onuradunak ez dituela egunean zerga-betebeharrak eta Gizarte Segurantzarekikoak, edo itzultzeko ebazpen baten ondorioz zorduna bada, ezin izango da dirulaguntza ordaindu.
- 4. Emandako dirulaguntza Beaz SAUren bidez ordainduko da, dirulaguntzaren eskabidean adierazitako kontu korrontera banku-transferentzia eginda.

30. oinarria. — Laguntzak metatzea

- 1. Foru-dekretu honetan jasotako laguntzak edo dirulaguntzak 651/2014 (EB) Erregelamenduan xedatutakoaren mende daude, eta, ondorioz, araudi hori ez betetzeak erantzukizun penala, zibila eta administratiboa ekar liezaioke enpresa arau-hausleari.



2. Diruz lagun daitezkeen eta identifika daitezkeen kostuak ezin izango dira honako hauekin pilatu:

- a) Estatutik etorritako beste edozein laguntzarekin, baldin eta laguntza-neurri horiek diruz lagun daitezkeen eta identifika daitezkeen kostu ezberdinetakoak badi-ra;
- b) Estatutik etorritako beste edozein laguntzarekin —zati batean edo oso-osorik— diruz lagun daitezkeen kostu berberekoak badi-ra, bakarrik pilaketa horrek laguntzen intentsitatea edo araudi horren arabera laguntza horri ezarri beharreko laguntza-kopururik handiena gainditzen ez badu.

3. Salbuetsitako laguntzak (654/2014 (EB) Erregelamenduarekin bat) ez dira pilatu-ko dirulaguntza jaso dezaketen kostu berberei dagozkien de minimis laguntzekin, baldin eta pilaketa horren ondorioz laguntzaren intentsitatea erregelamenduaren III. kapituluan eta foru-dekretu honen 6. oinarrian ezarritakoa baino handiagoa bada.

31. oinarria. — Laguntzen bateragarritasuna

1. Foru-dekretu honen babesean emandako dirulaguntzak bateragarriak izango dira helburu bererako Estatuko, Europar Batasuneko edo nazioarteko edozein administrazio- edo erakunde publikok zein pribatuk ematen dituzten dirulaguntza, laguntza, diru-sarrera edo baliabideekin, baldin eta gastu hautagarri beretarako gehieneko laguntza-intentsitatea errespetatzen bada.

2. Hala ere, ez dira bateragarriak izango Bizkaiko Foru Aldundiak helburu bererako emandako beste dirulaguntza, laguntza, diru-sarrera edo baliabide batzuekin.

3. Dirulaguntzen zenbatekoak, bera bakarrik edo beste dirulaguntza nahiz laguntzekin batera, ezin izango du, inola ere, onuradunak garatu beharreko jardueraren kostua gainditi.

4. Aurreko muga horietakoren bat gaindituz gero, emandako edo eman beharreko dirulaguntzari soberakinari dagokion kopurua kenduko zaio.

5. Onuradunek diruz lagundutako jarduerak finantzatzeko beste dirulaguntza, laguntza, diru-sarrera edo baliabide batzuk lortu dituztela jakinarazi beharko diote Ekonomia Sustatzeko Sailari, horren berri izan bezain laster eta, nolana ere, funtsei emandako erabilera justifikatu baino lehen, eta, hala badagokio, egindako itzulketa-gutunaren kopia erantsita. Hori guztia 5/2005 Foru Arauaren 18.3 eta 4. artikuluetan aurreikusitako ondorioetarako, dirulaguntza emateko ebazpena aldatu ahal izateko eta, hala badagokio, itzulketa-prozedura hasteko.

6. Ekonomia Sustatzeko Saila harremanetan jarri ahal izango da gainerako finantzatzaileekin, kofinantzaketa-hitzarmen bat egin ahal izateko.

32. oinarria. — Pertsona onuradunen beste betebeharrak

Honako betebeharrak hauek izango dituzte laguntzen onuradunek:

- a) Dirulaguntza emateko arrazoi den helburu, proiektu, jarduera edo jokaera lortu, burutu, egin edo hartzea.
- b) Ekonomia Sustatzeko foru diputatuaren aurrean edo erakunde laguntzailearen aurrean justifikatzea betekizun eta baldintzak betetzen direla, baita jarduera egin dela eta dirulaguntza emateko edo laguntzaz gozatu ahal izateko aintzat hartutako xedea bete dela ere.
- c) Kontabilitate liburuak, erregistroak eta gainerako agiriak egunean edukitzea —egin beharreko eginbide eta auditoriak eginda, alegia—, pertsona onuradunari kasu bakoitzean aplikatu beharreko merkataritza-legerian eta legeria sektorialean ezarritakoaren arabera, eta diru-laguntzen oinarri-arauetan eskatzen diren kontabilitate orri eta erregistro espezifiko guztiak edukitzea, egiaztapen eta kontrol ahalmenen erabilera egokia bermatzeko. Zentzu honetan, kontabilitateko erregistro bat eraman beharko du, diruz lagundutako proiektuari dagozkion diru-sarrerak eta gastuak bereiz identifikatu ahal izateko, dela kontabilitateko sistema berezi baten bidez, dela proiektuarekin lotutako transakzio guztietarako



kontabilitateko kode egoki bat esleituz, 2021/1060 (EB) Erregelamenduaren 74. artikuluan eta XIII. eranskinean ezarritakoarekin bat etorritz.

- d) Jasotako funtsen erabilera frogatzen duten agiriak gordetzea, dokumentu elektronikoak barne, egiaztapen eta kontrol ekintzetarako erabilgarriak izan daitezkeen neurrian.
- e) Oinarri hauetan jasotako hedapen-neurriak hartzea.
- f) Foru arau honen 33. artikuluan jasotako egoeretan jasotako funtsak itzultzea.
- g) Baldin eta dirulaguntza emateko orduan kontuan hartu diren inguruabar objektibo edo subjektiboetatik edozein aldatu bada, aldaketa horren berri ematea dirulaguntza eman dionari.
- h) Foru Administrazioako organoek edo erakunde laguntzaileak eskatzen dieten laguntza eta dokumentazioa ematea, bai eta, Europar Batasuneko araudiaren arabera, finantza-kontrolako eginkizunak esleituta dituzten organoek ere. Horretarako, honako ahalmen hauek izango dituzte:
 - 1) Egiaztatu beharreko agiritara, euskarri informatikoan dauden programa eta artxiboak barne, iristeko askatasuna.
 - 2) Sarrera librea diruz lagundutako jarduera garatzen den edo dirulaguntzaren kargura finantzatutako eragiketen errealitatea eta erregularatasuna egiaztatzeko aukera ematen duten negozio-lokaletara eta gainerako establezimendu edo lekuetara.
 - 3) Fakturak, agiri baliokideak edo ordezkioak eta eragiketei buruzko beste edozein agiri atxikitzea edo kopia eskuratzea, baldin eta horietan dirulaguntza behar ez bezala lortu, baliatu edo erabili izanaren zantzuak ondorioztatzen badira.
 - 4) Dirulaguntzak kobratu diren edo funtsak erabili diren finantza-erakundeetako banku-kontuetako informazioa eskuratzeko askatasuna.

Laguntza emateko eta dokumentazioa emateko betebeharrak hori betetzeari uko egitea erresistentziatzat, desenkusatzat, oztopotzat edo negatibotzat joko da, 5/2005 Foru Arauaren 33. artikuluan aurreikusitako ondorioetarako, hala bada-gokio, zehapenen kalterik gabe.

- i) Emakumeen eta gizonen berdintasuna sustatzea lanpostuen definizio, sarbide, kontratazio eta iraungipenean, lanbide-sailkapenean, sustapenean, prestakuntzan, laneko segurtasun eta osasunean, ordainsari-politikan, erantzunkidetasunean, bizitza pertsonal, lan-bizitza eta familia-bizitza uztartzearen arloan, lanaren kalitate eta egonkortasunean, lanaldiaren iraupen eta antolamenduan, ekintza sindikal, ordezkaritza eta negozio-kolektiboan, betiere diskriminaziorik sortzen ez duten lan-baldintza duin eta gizalegezkoak bermatuta.
- j) Zaintzea emakumeen eta gizonen tratamendua, protagonismoa eta balorazioa baliokideak izan daitezen, eta berdintasuna, presentzia orekatua, dibertsitatea, erantzunkidetasuna, eta generoaren rol eta identitateen aniztasuna balio dituen irudi bat sustatzea idatzizko zein ahozko komunikazioetan, ikonografian, publizitate-ekintzetan, barruko zein kanpoko komunikazio formal eta informalean, eta proiektuari edo jarduerari lotutako edo proiektua edo jarduera egiteko sortutako materialean.
- k) Orobat bermatu egin beharko du neurriak hartuko dituela lan-arloan emakumeen kontrako indarkeria prebenitzeko, hari aurre egiteko, haren jarraipena egiteko, hura ebaluatzeko eta desagerrarazteko, bereziki sexu-jazarpenari eta sexuan oinarritutako jazarpenari aurre egiteko.
- l) Emakumeen eta gizonen arteko ordainsari-berdintasunaren eta gardentasunaren printzipioa betetzea, 4/2005 Legearen 40 bis artikuluen arabera.
- m) Deslokalizazioan ez erortzea. Enpresa deslokalizazioetat jotzen da Enpresak deslokalizatzen direnean foru-sektore publikoak laguntzak berreskuratzeari bu-



ruzko martxoaren 27ko 7/2007 Foru Arauak ezarritakoa, eta foru-dekretu honek arautzen dituen dirulaguntzei aplikatuko zaie foru-arau hori.

- n) Diruz lagundutako jardueraren inguruko jendaurreko agerpen guztietan euskara erabiltzea. Era berean, onuradunek beren jardueraren berri herritarrei emateko erabiltzen dituzten liburuxka, kartel edo beste edozein euskarritan bi hizkuntza ofizialak erabili beharko dira, hizkuntza ofizialak erabiltzeko irizpideak ezartzen dituen maiatzaren 28ko 63/2019 Foru Dekretuaren 13.3 eta 13.4 artikuluetan ezarritakoarekin bat.
- ñ) Bizkaiko Gardentasunari buruzko otsailaren 17ko 1/2016 Foru Arauaren 8., 9. eta 10. artikuluetan gardentasunari eta publizitateari dagokie ezartzen diren betebeharrak betetzea. Erakunde pribatu hauei aplikatu behar zaizkie, arau horren 2. artikuluekin bat: aurrekontu-ekitaldian zehar Bizkaiko Foru Aldundiaren 100.000 euroren edo gehiagoren laguntzak edo dirulaguntzak jasotzen dituztenei edo haien urteko diru-sarreraren %40 Aldundiaren laguntzetatik edo dirulaguntzetatik badator, betiere gutxienez 5.000 euro badira.
- o) Ekonomia Sustatzeko Sailaren jardueraren eragina ebaluatzeko, sail horrek enpresari proiektuak iraun bitartean zein proiektu amaitu eta osteko hiru (3) urteetan enpresaren bilakaera adierazten duten adierazle ekonomikoak eta enpleguari buruzko adierazleak nahiz proiektuak enpresan izandako eraginari buruzkoak aurkezteko eskatu ahal izango dio. Adierazle horiek aurkezteko epea, eskatzen zaizkion unean zehaztuko da.